



碑

武衛新建先聖廟學碑

雍 虞集 伯生

國家初建大都廼分侍衛親軍為列衛布諸畿內武衛其一也至元廿六年始置營在涿州南去京師二百里凡衛必有營有城郭樓堞門障閤禁官治行伍廬舍庫庾衢巷市井而特立先聖孔子之廟儒學在焉衛之官有都副指揮使以下將帥偏裨付伯之長委積營作之署幕府文書之史而特設儒學教授以教士大夫子弟焉衛士以萬計自殊征行則有內府修繕之役歲巡幸則以精銳從其留屯於營者三之且其使之長率以近臣領之其官治京師中而分任屯事於營者使或副者貳皆三歲一更將吏亦各以番上獨教授常

在衛治教事此衛有學官之大槩也天曆二年武衛都指揮使洪灝分衛事治營中廼曰今聖天子聰明睿知文治彙興天下莫不嚮風而興起灝也世慎忠孝得備戎行少游上庠得受教於君子矣而吾衛廟學未立師弟子教學無所於在兆闕典歟此誠灝之責也時亞安方爲衛使之長深然其言即以建學之事上聞上可之廼以軍務之暇度地於營東南厯袤八十畝廼基乃堂于其燥剛觀泉審方作新文明經營林用石木陶冶工作程度心畫皆授具有成法明年知樞密院閣二台來代亞安見儲侍之備欣然相成之即日復以興役聞於是經始於至順辛未之三月作禮殿以奉先聖像顏子曾子子思子孟子配從祀十哲分位殿中東西鄉七十一子弟子爲廡下作講堂齋廡庖廡垣墻門街皆如常制凡費用一出公帑不以煩人及冬而告成是年中書平章政事

阿禮海牙公以宰相兼長衛帥隆然舊臣敦詩書禮樂以佐天子之治教尤樂其有成爲度營旁地得二千畝俾耕以食學者乃以廟學告成入請于上命臣集記之臣集受詔謹具其事廼再拜稽首而言曰昔我

太祖皇帝奮揚天威受啓帝祚

世祖皇帝神武不殺遂一海內列聖相承功成治定至於

今上皇帝天下晏然兵措不用爪牙之士廼得復遊藝歌於其間豈非千載之盛乎臣嘗學於孟軻氏矣其言以爲未有仁而遺其親未有義而後其君者也又以爲壯者暇日修其孝悌忠信則雖制挺可以勝敵蓋言人心天理之足恃也如此今學校之設其教則仁義之道也其事則孝弟忠信之行也誠使剛強武勇之士身裨金革而知學焉則仁義素明於胸中忠信不遺於平日緩急有所用焉知義利之辨得違順

之決議定志堅見危致命以親上死長則立功國家名顯後  
世復何疑焉然則學校之設豈小補哉敢作詩以頌之其辭  
曰

皇命建學制自都邑通祀先聖中外惟則周廬列璫環拱中  
極率是有作以造成德維時武衛載度新宮其帥有文以為  
已功衆勸其來有敏其功相臣冠軍曰宜有崇既崇既完入  
告 天子天子曰咨我茲多士戰爾干戈安爾鞭弭俎豆游  
歌庶其在此保之將帥而公而元勉爾孝友勛爾忠貞出奮  
于征歸力于耕輯睦靖恭 勿忽勿爭有牲有醴歲時用享觀  
德于射我祀爾相端爾威德 節爾飲讓神之捨思錫爾多慶  
崇墉言之過者式之有仇其 門來者則之麗牲之石史有刻  
辭永忘勿忘君子之思

黃錄音度大醮

功德碑

泰定二年歲次乙丑正月之吉始和 皇帝燕居程清撫  
康寧中心無為以守至正踐丕承之位著若有見於羹墉廼  
乃居亦賢院臣而告之曰惟天惟祖宗委祉錫禧式克至于公  
日海嶽寧謐波塵不驚詩曰於乎皇王繼序思不忘予曷敢  
弗顧謾乎宗廟絜嘗之事有司具矣然而雲蒸霧滃予何以  
見其降升天四日旋子何以識其往來有能為予事忘意以  
通神明者乎昔在成廟受遺 世皇睠惟儷極之賢克相內  
理然而蒼梧莽從降靈小水遺恨徒結歲月云邁且夫本支  
繁茂豈無孽牙之傷雲漢昭回潛有氛祲之掩觸念豪髮疾  
心丘山有能為予釋隱憂而滌靈爽者乎夫有天下也一體  
民物一視宇宙君君蒿悽愴予猶有慨於神明幽沈抑塞詎謂  
可忘於臣庶有能為予發晶耀而溥惠渥者乎時頓首言曰  
聖憲淵微非臣愚所敢與知天人之間其事甚重非臣所得

專任請與丞相議之制曰可明日入奏曰道家有黃籙齋科者上可以導列聖之宸游下可以達群生於屯昧請以是昭塞首意之萬一皇帝若曰俞哉庶其在茲乎時則有若三十九代天師太玄輔化體仁應道大真人臣張嗣成親揚祖教妙幹道樞神仙演道大宗師秦定虛白文逸明德真人臣孫履道以老成敦厚之資深符真契特進上卿玄教大宗師崇文弘道玄德廣化真人臣吳全節以聰明特達之器參贊化機並領玄宗共承明詔以二月一日各真人率南北道士千衆即大長春宮陳大科法者七日出黃籙白簡萬通啓長夜之幽徇暢好生之至德於是祠曹摠禮神之儀物詞臣具冊祝之文章宣徽陳禮饌以惟共內府發金繒而弗吝揖拜跪起皆西清禁近之英奉若對揚必黃鵠臣鄰之重有司咸在百辟駭奔不休哉在天之靈莫不顧歆於上溥天之澤莫

不均被於下赫々洋洋々洞々煌々一時盛典蔑有加焉於是陳玄功於翰墨留芳迹於庭除禮也謹按故事昔

憲宗皇帝甲寅之歲以建國之初方事金革鋒鏑之下或致天傷廼紆皇心常有斯舉於今七十有一年矣時和歲豐民安物阜曾無昔日之虞而舉今茲之祀者何哉蓋嘗思之聖人之心常兢於方盛之時不逸豫於才夾之日用能保鴻圖於求圉緝景福於方來者此其故與嗚呼盛矣乃頌之以詩曰

於穆聖皇宅心至神何幽不燭何枯不春百度具張群公在位曰此人事未究文懿至人通神出陽入陰以成天工實契我心長春之宮密迹帝所極爾禘儀勿制常數飛章列符萬神並來奔走後先昭假匪私吁嗟典祀國有常制犧牲粢盛既充既旨陟降在庭孰是孔昭風馬雲車以爲會朝德音布

宣洪恩斯沛惟爾有生是錫是賚下沈九之永誰復念之今振  
而興俾承生基茫八筵同載咸喜向陽就明萬億及赫域  
中四大匪異伊同聽我詠歌以贊皇風

東嶽仁聖宮碑

延祐中故開府儀同三司上卿玄教大宗師張留孫買地於  
大都齊化門外規以爲宮奉祠東嶽天齊仁聖帝  
仁宗皇帝聞之給以大農之財辭不拜第許詔書護作方  
鳩工而留孫歿後年今特進上卿玄教大宗師吳全節大  
發累朝賜金以成其先師之志至治壬戌作大殿作大門殿  
以祀大生帝前作露臺以設樂門有衛神明年作東西廡東  
西廡之間特起如殿者四以奉其法神之尊貴者列廡如官  
舍各有職掌皆肖人而位之築館于東以奉祠之士總名  
之曰東嶽仁聖宮泰定乙丑魯國大長公主自京師歸其食

邑之全寧道出東門有禱於大生帝出私錢鉅萬俾作神寢  
象帝與其妃夫人嫗寺之容天曆建元

今上皇帝即大位遣使迎大長公主于入壺遠及國門皇

后迎母于郊主禮神拜既而後即其邸天子乃賜神寢名

曰昭德殿云宮廣深若干畝爲屋若干楹高大弘麗足以久

遠歲時內廷出香幣致祭都人有禱祈咸得至焉有勅命

臣集撰文勒諸麗牲之碑其辭曰

帝奠九土辨方秩祀封嶽維五咸在天子有忠代山宗望之

東郊兩雲來敷冒不崇朝有壇有宮神師攸作蒼龍青旂百

祗祗若天子神聖惠于民人瞻言度思昭德維新丹楹朱

戶納陛登陟青五組兼幣加璧礼有舉之祗益以因即祠

不違天子之仁徂徠有原新甫有隰樂具在廷遠于來輯

庖盈大享寢陳燕詩神具樂康以惠我私春日軼陽帝藉于

耜以先農人祈我穡事我觀我稼視迓知遠爾瞻爾澤自我  
畿甸相彼柔桑被于沃饒相彼玄鳥亦集其條穢之流水駕  
言來被受弓載謂思皇朱芾出其閭闔士女車徒來尸來宗  
壽夭在予佑我民庶克修孝弟以養以賦以受多祉兵侵弗  
驚蕃癘弗嬰庶人有生以樂治平天子萬年成功則告刻文  
登封則有貞玉一

大都城隍廟碑

世祖聖德神功文武皇帝至元四年歲在丁卯以正月丁未  
之吉始城大都立朝廷宗廟社稷官府庫庾以居兆民辨方  
正位井之有序以爲孫子萬世帝王之業七年太保臣劉秉  
忠大都留守臣段貞侍儀奉御臣忽都于思禮部侍郎臣趙  
秉溫言大都城旣成宜有明神主之請立城隍神廟上然之  
命擇地建廟如其言得言兆于城西南隅建城隍之廟設家

而祠之封曰祐聖王以道士段志祥築宮其旁世守護之自  
內廷至於百官庶人水旱疾疫之禱莫不宗禮之爾來六十  
有餘年國家治平民物繁阜日盛一日而神之所依亦厚矣  
祀典之載所謂有其舉之而莫之敢廢日歟迺天曆二年二  
月庚子 皇后遣內侍傳旨中政院臣使言于上曰城隍神  
廟 世祖皇帝時所建有禱必應烜赫彰著而廟久弊崇音  
無以答神明之貺以繼 世祖之意請出內帑寶鈔五萬緡  
以修 制曰可命京尹臣賈某董之太史以諏日弗協請俟  
其言九月中書參知政事臣趙世安等奉勅封神曰護國侍  
寧佑聖王其配曰護國保寧佑聖王妃至順二年二月癸亥  
以前所賜爲未足用增賜寶鈔十萬緡大修治之平章政事  
臣阿禮海牙工部尚書臣岩穆忽爾魯奉詔領其事且命之  
曰庀工而有餘資則以賜諸廟中給廨用於是工部率其屬

以即役土木瓦石金碧丹堊既善既足百工並作無敢不虔  
未幾而告功於是有一勅史臣集製文刻石以垂示無窮臣  
集拜手稽首而言曰 聖上受命自大纂承大統師武臣力  
著功盟符百靈相協固其宜哉 聖后輔佐聖明之成功而  
一神之報亦不敢忘可以觀德可以致福可以示勸於臣矣  
於戲盛哉請系以詩曰

維皇建國宅中圖大臨制萬方式表無外列雉四角壯於天  
垣爰立明神以保國完司空奉詔慎擇吉土作廟坤維以祝  
休嘏相維典則有社有方群黎萬姓罔敢禮讓維神孔迺有  
堂有寢曰諫則康威怒斯禦歲時牲牢旨酒明粢無有大小  
士女異來 列聖清明歲行六十風氣宣通民物豐殖相爾  
擔擁丹堊弗新何以安之俾佑我人 皇上至仁思保赤子  
聖后念之命禱靈時天高日明風塵不驚大開明堂治功告

成有所有報伊古之道出財官府撤弊改撓山藻孔文既  
既安度其王封載加彌尊神來赫喜百和萃止導天之既為  
國之社至家祚胤福祿萬年貽及于民生養弗愆崇墉嚴  
太止之固神永有依斯皇多祐

句容郡王世績碑

國家治平之業所以尊安而久固者禮樂刑政一本於朝廷  
而執干戈以衛社稷於四境之外者則亦必有桓毅過人之  
勇直亮不回之節以兼爪牙腹心之任而又世祖父子孫  
相承一志然後可以內為 天子之所信倚外為疆敵之所  
懾服故處常則有不可犯之勢遭變則建非常之功嗚呼其  
所關係豈輕也哉天曆元年 皇帝撥亂反正以太平王右  
丞相燕帖木兒有建謀力戰之功思其祖父之績乃敕史臣  
製文紀事勒諸貞石以示不朽焉謹按欽察之先武平北折



連川按答罕山部族也後遷西北即玉黎北里之山居焉子  
風剛悍其人勇而善戰有曲年者乃號其國曰欽察爲之主  
而統之曲年生唆末納唆末納生亦納思

太祖皇帝征乞思火都奔亦納思遣使諭取之弗從及  
我師西征亦納思老不能理其國被丁酉亦納思之子孫忽  
魯速蠻自歸於 太宗而 憲宗受命帥師已及其國忽魯  
速蠻之子班都察舉族來歸從討蔑乞思有功

世祖皇帝西征大理南取宋其種人以強勇見信用堂葛牧  
之事奉馬漣以供玉食馬漣尚黑者國人謂黑爲哈刺故別  
號其人哈刺赤日見親近妻以哈納郡王之女弟納論中統  
初元討阿里卜哥之亂班都察與其子土土哈皆有功班都  
察率土土哈領其父事是爲句容郡武毅王海都之族 皇  
子比乎王帥諸王之師鎮 祖宗龍興之故地至元十四年

叛王脫 木失列吉入寇諸部由見掠先朝大武帳亡焉土  
土哈土憤之誓請決戰三月敗其將朶兒赤延於納蘭不刺  
以所掠諸部還四月只兒瓦解搆亂應昌脫 木以兵應之  
與我軍遇將決戰先得其斥候數十脫 木懼而引去遂滅  
只兒瓦解六月遂大兵於秃剌河八月又敗之斡歡河得所  
亡大帳還諸部之衆於北平我師北伐 詔欽察驍騎千人  
以從十五年正月追失列吉踰金山擒札忽台以獻又敗寬  
赤哥等軍俘獲甚衆冬入朝召至榻前親慰勞之賜以白金  
百兩金壺盤盃各一白金篋一梳十金織衣段九海東白鶻  
一國家侍內宴者每宴必各有衣冠其制如一謂之只孫悉  
以賜之且有詔曰 祖宗武帳非人臣所得御卿能歸之故  
以與卿軍中宴諸帥則設之欽察人爲民戶及隸諸王者別  
籍之戶給鈔二千貫歲給粟帛擇其材者備禁衛十九年拜

昭勇大將軍同知太僕院事明年改同知衛尉院事領羣牧司事給霸州文安縣田四百頃命哈刺赤屯田益以亡宋新附軍八百二十一年賜金虎符以河南等路蒙古軍子弟四萬戶百隸之又賜尚方金貂裘帽玉帶青鵝沂郊田二千畝欽察衛遂兼其親軍都指揮使聽以族人將吏備官屬六月海都兵入寇奉詔與大將朶兒朶懷禦之二十四年諸王乃顏叛於東藩陰遣使來結也不干勝刺哈王獲謀者得其情密以聞諸朝請召勝刺哈以離之他日勝刺哈為宴會邊二大將朶兒朶懷將往王曰事不可測遂不往勝刺哈計不得行未幾有詔召勝刺哈王曰此東藩之人由東道是其欲也將不可制言於北安王命之西行或言也不干將反者軍吏請奏而圖之王曰不可緩也身為先驅引大兵以前窮書夜

之力渡禿刺河與也不干戰大敗之世祖方親征聞詔王沿河而行盡收其餘黨以還道遇也鉄哥其軍萬騎擊走之大獲乃顏畜牧俘叛王哈兒魯等獻之康里欽察之人先隸諸叛王者悉來歸置哈刺魯萬戶府是歲王子創兀兒奉詔從太師月兒律在軍戰於百搭山有功拜昭勇大將軍左衛親軍都指揮使武金虎符出則被堅執銳以率虎賁之士入則操刀匕以事割烹執鬯初以進漣飲親幸委任已見於當時成宗方撫軍詔以王從十一月征乃顏餘黨於哈刺誅兀達海盡降其衆二十五年也只里王為叛王火魯哈孫所攻甚急五月王從成宗移師援之敗諸兀魯灰還至哈刺溫山夜渡貴列河敗叛王哈丹之軍盡得遠左諸部置東路萬戶府以鎮之也只里有女第塔倫遂以妻王二十六年海

北金山抵抗海嶺

皇孫晉王帥兵禦之敵先據險我師

利王獨以其軍陷陣入戟翼晉王出明日追騎大至王伏  
兵面斃之七月世祖親巡北邊召見王而慰之曰昔  
太祖與其臣之同患難者飲班木河之水以誌功今日之事  
何愧昔人知其尅之海都等戰既數敗又知上親征遂引兵  
去車駕還都大宴上謂王曰朔方人來聞海都言戰者人  
人如土土治吾屬河所容身哉論功行賞先欽察之士以建  
康廬饒籍租卒爲哈刺赤戶又以俘獲之戶千七百賜之  
官一子以督賦而創兀兒在宿衛亦帥其軍扈從至於和  
赫兀卑思之山拜昭武大將軍欽察親軍都指揮使左衛親  
軍都指揮使兼太僕少卿二十八年王奏哈刺赤之軍數已  
至萬足以備用詔賜珠帽珠衣玉帶金帶各鵞細毳練素  
萬匹帥其人北獵漢塔海邊寇聞之不敢動二十九年掠地  
金山虜漢都之戶二千有詔進取乞思吉思明年春次河

水行數日盡收其眾留兵鎮之奏功拜龍虎衛上將軍賜行  
樞密院印海都聞之領兵至大河又敗之擒其將宰羅察  
成宗皇帝即位詔之曰邊事重其尅會朝賜白金五百兩七  
寶金酒器白毳帳銀萬緡獨峯馳五冬召入朝有加賜則賜  
其軍士鈔一千二百萬元貞元年春還守北邊二年秋諸王  
從海都者皆來降邊民驚動王帥兵金山之玉龍海備之資  
饋畢給民用不擾親導岳木忽等王以朝上解衛衣以賜又  
賜黃金百兩白金千五百兩鈔五萬輜輿各一大德元年拜  
銀青榮祿大夫上柱國同知樞密院事欽察親軍都指揮使  
如故還邊二月至宣德府薨年六十一是年有詔創兀兒世  
其父官領北征諸軍後亦封句容郡王王帥師踰金山攻八  
隣之地八隣之南有大河曰蒼魯忽其將帖良臺阻水而軍  
伐木柵岸以自庇士皆下馬跪坐以待我軍矢不能及馬不

可進王即命吹銅角舉軍大呼聲振林野坐士不知所爲爭  
起就馬王麾軍畢渡湧水泊岸木棚漂散因奮師馳擊五十  
里而後上盡得其人馬廬帳還次阿雷河與李伯按都之軍  
相遇李伯按都者海都所遣後八隣者也阿雷之上山甚  
高李伯按馬山高駿馬不利於下馳急麾軍渡河蹙之李伯  
馬下坂多顛蹶李伯按敗之追奔三十餘里李伯僅以身免二  
年北邊諸王都哇徹、禿等潛師急至襲我火兒哈禿之地  
火兒哈禿亦有山甚高其師來據之王選勇而能步者持挺  
刃四面上奮擊盡殲其軍斂遁者無幾三年入朝上解衣  
賜之慰勞優渥拜鎮國上將軍命樞密院事欽察親軍都指  
揮使左衛親軍都指揮使太僕少卿還邊是時  
武宗在潛邸領軍朔方軍事必諮於王及戰王常爲先付托  
甚重四年秋畔王禿麥幹魯思等犯邊王迎敵於闊客之地

及其未陣王以其軍直搏之敵不能支遂之踰金山乃還五  
年海都之兵又出越金山而南止於鉄堅古山因高以自保王  
以其軍馳當之既得平原地便於戰乃并力攻之敵又敗績  
都哇之兵西至與大軍相撓於兀兒禿之地王又獨以其精  
銳馳入其陣戈甲屢擊塵血飛濺轉旋三周所殺不可勝計  
而都哇之兵幾盡 武皇親見之曰力戰未有如此者  
上使御史大夫禿只知樞密院事塔剌海也可札魯火赤禿  
忽魯即赤納思之地聚諸王軍將問戰勝功狀於是親王以  
下至於諸軍咸以爲王功第一無異辭於是安西王與三衣  
一鶻一騾二十首王與王衣一金扼二獨峯馳四而  
武皇命王尚雅忽禿楚王公主察吉兒賞以尚衣貂裘使者  
以功簿奏 上出御衣遣使臨賜之詔曰邊圉事重少留鎮  
之七年秋入朝 上親諭之曰自卿在邊累建大功事績昭

著周飾御身以素金猶不足以盡朕意遂賜御衣一帽一玉頂笠一盤珠金衣一履雙珠三囊黃金百兩白金五百兩鈔十萬貫鶻一拜駝騎衛上將軍樞密副使欽察親軍都指揮使左衛親軍都指揮使太僕少卿賜其親軍萬人鈔四十萬貫九年都哇察八兒明里帖木兒等諸王相聚而謀曰昔太祖艱難以成帝業奄有天下我子孫乃弗克靖以安享其成連年動兵以相殘殺是自傷祖宗之業也今撫軍鎮邊者吾世祖之嫡孫也吾與誰家爭哉且前與土土哈戰既累不勝今與其子創兀兒戰又無一功惟天惟祖宗意可見矣不若遣使請命罷兵通一家之好使吾士民老者得其養少者得其長傷殘疲憊者得其休息焉則亦無負太祖之所望於子孫者矣使至上深然之於是明里帖木兒等罷兵入朝特爲置驛以通往來十年拜榮祿大夫同知

樞密院事尋拜光祿大夫知樞密院事欽察左衛指揮太僕少卿皆如故從武皇於渾麻出之海上成宗崩訃至入告武皇曰殿下親世祖之嫡孫以先帝之命居祖宗之故地以鎮撫朔方者且十餘年矣海都納不忽見明里帖木兒自世祖時各爲叛亂今皆來歸前後叛亡俘虜悉復其舊皆殿下之威靈也臣先父土土哈受知世祖恩深義重臣之種人強勇精銳臣父子用之無戰不克殿下急宜歸定大業以副天下之望臣請率其衆備驂乘之士

武皇納其說即日南邁以裕宗皇帝舊服玉花衣賜之副以玉帶一寶珠一海東白鶻一常御帷殿一服用之具咸備行至和林又賜鈔五萬貫衣段百五月達上都武宗皇帝即位賜王尚服七寶笠一大寶珠衣一盤珠衣一黃金五百兩白金五千兩鈔二十五萬貫先帝所御大武

帳一豹一加賜公主珍寶尤厚秋拜平章政事仍兼樞密欽  
察左衛大僕還邊冬加封榮國公授銀印出制辭以命之復  
有尚服衣改虎豹之賜中宮加資於公主者亦俱至焉至大  
元年遣使賜金衣三十對衣千二年入朝封公以容郡王賜金  
印玉手印一七寶笠一珠帽一七寶帶一玉帶一七寶束帶  
一黃金二百五十兩白金一千五百兩鈔一益國貫鷄四豹二  
上曰世祖征大理時所御武帳及所服珠翠具之衣今以賜  
卿其勿辭翌日又以世祖所乘安輿賜王上曰以卿有  
足疾故賜此王叩頭泣涕固辭而言曰世祖所御之帳所  
服之衣固亦非臣所敢當而乘輿尤非所宜崇奉也貪寵過當  
臣實不敢上顧左右曰他人不知辭此別命有司置馬轎  
賜之俾得乘至殿門下仁宗在東宮有衣服金寶之賜  
太后又有加賜還邊

仁宗皇帝即位入朝賜尚服衣一襲金束帶一黃金百兩白  
金千兩鈔五十萬金對衣二十金玉馬鞍一太后加賜夏  
衣二十鈔一十萬擅帳一穹廬十特受光祿大夫平章政事  
知樞密院事欽察親軍都指揮使左衛親軍都指揮使大僕  
少卿延祐元年也先不花等諸王復叛亦忒海迷失之地王  
方接戰有敵將一人以戟入陣刺王者王辨其戟揮大斧碎  
其首血髓淋漓殞於馬首乘勢奮擊大破之遣使入報有尚  
服之賜二年與也先不花之將也不干忽都帖木兒戰亦麥  
干之地轉殺周匝追出其境鉄門關秋又敗其大軍於札亦  
兒之地上聞之遣使賜勞有加四年上念王之功而憫  
其老也召之命商議中書省事知樞密院事大理國進象牙  
金飾轎即以賜王每見必賜坐上食必賜食待之以宗室  
親王之禮王常曰老臣受朝廷之賜厚矣吾子孫不以死報

國可乎至治二年薨年六十二臣聞古之言利者曰謀與勇  
惟王父子沈機大略固不可測而其軍堅悍一僕疾有所攻戰  
應聲而起神變倏忽奮無迴顧督者不暇慮勇者不及舉而  
已敗衄無餘矣此其所以致勝也而又數世之傳一軍之士  
同稟忠義而不變同赴患難而不辭此其成大功享大名而  
膺國家之深信異寵者歟謹按王世家忽魯速蠻贈推忠効  
順功臣金紫光祿大夫大司徒柱國句容郡王謚剛毅妻帖  
古該句容郡王夫人班都察贈推誠宣力保義功臣太尉開  
府儀同三司上柱國句容郡王謚忠定妻秃倫察句容郡王  
夫人土土哈贈宣忠定遠佐運功臣太尉開府儀同三司句  
容郡王謚武毅妻曰太塔你札只刺真也曰兀買八里真也  
曰囊加真義吉刺真也曰阿八倫義吉刺真也曰塔倫也也  
只星王女弟也皆封句容郡王夫人子八人長曰塔察兒定

遠大將軍比庭元帥次曰太不花御位下博兒赤三曰創兀  
兒四曰別里不花武略將軍欽察親軍千戶五日帖不兒不  
花武德將軍管領建康盧僬等處土土哈并哈刺赤六計達  
魯花赤六曰歡差武略將軍欽察親軍千戶七日岳里帖木  
兒武德將軍僉武衛親軍都指揮使兼大都屯田事八曰斷  
古魯班昭勇大將軍欽察親軍都指揮使女五人曰曲出伯  
曰完者台曰朵兒只曰訥倫曰某創兀兒之妻察吉公主楚  
三女也曰也先帖你塔二兒真也曰也先忽都魯宗室也只  
里女弟曰哈刺真塔二兒真也子七人長曰小雲失不花武  
略將軍欽察親軍千戶蚤卒次曰燕赤不花資德大夫大司  
農卿三曰燕帖木兒太平王塔刺罕右丞相四曰撒敦榮祿  
大夫宣徽院使五曰燕赤哈兒闌道少監蚤卒六曰答里  
國公七曰撥皮罕幼卒八曰長日忙哥合適失秃兒附

馬第太忽禿魯次曰完澤台道相哥八刺王三曰納只罕道  
沙藍朵兒只王四曰月魯帖你道阿魯灰帖木兒王臣拜手  
稽首而作銘曰維皇

太祖受天明命龍旗建旆神旅用振雲雷險屯盤桓奮興迹  
伐遠攻羣方畏德既定大業以遺孫子分地有疆羅絡森峙  
維支之疆宗于本根孰披則離孰固以存赫赫 世祖大集  
厥成天覆日臨無往不庭顧茲臣庶嚮屬無外夫未悔禍屬  
近而悖挺為暴強弄兵嬉狂弗念弗懷勞我父兄我無藏怒  
往正迷德維時虎臣無禦不克虎臣維何欽察世家克長克  
君為國爪牙相厥種人均勇同悍爾是忠師累百盈萬牧則  
善芻飲遠孔股袵金以居鳴箭以趨鳴箭咽咽壯士心折卷  
甲齊驅千憤一快孰為叛天子旅于盧王先伐謀隨以勦屠  
勿敢寧止不虞奄至潰不暇奔况及闕死父子百戰從于宗

潘或後或援我國永完天不與畔思禍知悔力困于外心服  
于內來言來歸矢辭大同洒濯拜稽以朝

成宗王護其來徒御不驚肅二邊人同我太平桓二  
武皇言善將二定策驂乘王猷用壯紀功則隆論賞則豐一  
帝曾作嬪五世王封世忠世勇 列聖所使千載之傳國有  
信史句容之墟接于太平今王之疆 天子所營其功非常  
報亦殊特勒勳北郊昭示萬國



道園學古錄卷之二十四

應制錄四

雍 虞 集 伯生

碑銘

曹南王勲德碑

中書右丞相臣燕帖木兒等言 陛下入正大統道汴梁命  
 山東河北蒙古軍都萬戶府都萬戶野速迭兒以其兵從至  
 京師以功拜河南等處行中書省平章政章於法官一品當  
 贈三代官封也速迭兒曾大父撥徹大父也柳干父阿刺罕  
 嘗為大將戰功多又皆死王事軍中宜追封以第一等爵制  
 曰可有司以詔書議贈所當得官按地定封於是故贈定威  
 佐運功臣榮祿大夫司徒上柱國曹國公謚忠定撥徹加贈  
 定威佐運功臣光祿大夫司徒上柱國追封曹南王謚如故  
 故蒙古漢軍都元帥贈宣忠靖遠功臣光祿大夫中書右丞

相上柱國曹國公也柳干加贈宣忠靖遠佐運功臣金紫光祿大夫中書右丞相上柱國追封曹南王仍謚桓毅故光祿大夫中書左丞相贈協謀佐理功臣太師開府儀同三司上柱國曹國公謚武定阿剌罕加贈竭誠宣力定遠佐運功臣太師開府儀同三司上柱國追封曹南王改謚忠宣曾祖母塔拜祖母滅烈母脫端闡二倫皆先封曹國夫人改封曹南王夫人制下有勅國史臣集其以曹南王出家行事歲月著文于其神道之碑臣集受詔謹按撥徹蒙古札刺兒台氏太祖皇帝初起朔方豪傑之士雲起響應而從之為之腹心爪牙者必皆有深智遠識有勇而善謀是以東征西伐無不如志以成萬世之業者天為之生材而聖神善用之故也撥徹自其幼年已在宿衛為火而赤火而赤者服御弓矢常侍左右者也又為博而赤博而赤者親烹飪以奉上飲食者也

蓋非篤慎強敏見知而親信任使者不得預是以屬軍所向無不在行數以徇戰掠地著功受賞

太宗皇帝即位仍以其職從征行隴北陝西之役攻城壁取郡將率先戰士竟死之也柳干繼為火兒赤博兒赤膺其父之職也以太宗之命事岳里吉太子為番衛之長歲乙未闕出忽都禿太子出師伐金遂侵宋有旨出從戰戰有功拜萬戶方是時察罕以太祖所拔重臣為大將位望崇甚而也柳干以天下馬步禁軍都元帥為察罕之副總領諸翼蒙古漢軍馬統領屯戍大軍南面之征最為重兵矣於是取陝西掠河東寇河南歲乙卯擣光壽大帥察罕歿

憲宗皇帝命也柳干代之拜諸翼軍馬都元帥統大軍攻淮東西諸城歲戊午帥師至揚州激出戰遂以戰死阿剌罕以諸翼蒙古軍馬都元帥統其父之軍從

世祖皇帝南伐宋 憲宗崩 世祖北還即皇帝位從至未  
黎伯顏李剌之地阿里不哥阿蓋及兒渾都海與兵爲亂不  
受詔命討之阿剌罕以其所部蒙 占軍擊之北至昔門禿之  
地遂追之至河西功成而還中統建元之歲賞功賜黃金五  
十兩且耳答衣九襲且耳答者西域織文之最貴者也二年  
濟南帥李壇以山東反大發兵討之阿剌罕總其衆次老倉  
口以進戰明年濟南破瑯琊山東平師還又明年賞功賜  
金虎符一銀印一弓一矢百弓矢之服黃金飾其具焉  
一黃金塗銀飾其具以舊官將其軍至元初大軍伐宋五年  
師圍襄樊力戰數有功論賞賜白金五十兩金織文衣九襲  
十一年取宋大軍渡江阿剌罕以其師取鄂州泝江陵下至  
荆口所至郡縣降其軍慰撫其民人明年拜昭毅大將軍統  
其師發建康道溧水溧陽秣陵松閔越杭州上方道與宋將

吳某等戰斬之斬首七千級又與宋將祝亮戰擒亮并其裨  
校七十一人斬首三千餘級又與宋兵戰斬首七千餘級又  
斬逐其援兵退走數十里宋將奉使吳某都統丁某總制趙  
某來逆戰敗之斬首三千級擒總制谷某又擒宋將張八其  
裨校斬首二千級六月即軍中拜中奉大夫行中書省參知  
政事是年宋亡明年伯顏丞相以宋主入覲九月阿剌罕帥  
師東渡浙取越明溫台衢婺處及閩中諸郡追宋宗室秀王  
某道數戰皆敗之降其運使趙某提刑趙某五百餘人至福  
州與宋軍轉戰四十餘里斬步帥觀察使李世達等於陣殲  
其軍獲秀王及其家屬將吏百八十餘人降其部曲淮卒三  
千人於是江南悉平十二月有詔以中奉大夫中書參知政  
事授金虎符行江東宣慰使郡縣新附民心未安威信未著  
吳不悅服十四年入覲 上嘉其功慰勞甚厚進拜資政大

夫中書左丞仍還宣慰江東十六年六月進拜資德大夫中書右丞仍留宣慰江東十八年入覲方是時海內悉已平定舟車所至莫不服從而日本蕞爾海島之間彌固自保有司以致討爲言天子從之廼賜玉帶一金鞍一弓一矢百弓矢之服具命爲中書左丞相行省事統蒙古諸翼軍馬四十餘萬往征之師次明州且渡海矣歿焉既歿而子也速迭兒幼拜降也速迭兒之兄也襲世職爲萬戶總其軍後以功僉書江淮行樞密院事進拜江浙行省右丞福建行省右丞河南行省平章政事仍領其先世萬戶軍馬既歿也速迭兒以元貞元年世其職授昭勇大將軍左手蒙古軍萬戶佩金虎符武宗皇帝在位思勲舊將帥之家求其子孫之有功有能者故於也速迭兒有加賚焉命玉工刻白玉爲也速迭兒所署字使以畫文書發號令於所部使其爲上所尊信者

皇慶改元賜白銀五十兩金織文衣二襲延祐三年覃恩加昭毅大將軍至治改元賜白金五十兩金織文衣二襲泰定二年進昭武大將軍皆以萬戶總其軍如故後二年今上皇帝南還京師將有大正於天下道過汴梁令太保伯顏公方鎮汴省八月庚子召也速迭兒帥其兵以行乙巳兵大集士卒感激赴義車馬器械精備勇氣百倍丁未命爲本省參知政事賜黃金五十兩玉帶一鎖鐵鏢刀一師行庚戌進爲本省平章政事仍兼山東河北蒙古軍都萬戶府都萬戶賜銀印一金二珠虎符一黃金五十兩白金倍之玉帶一海東青鷂一至真定賜名馬二至新樂驛賜黃金五十兩甲一襲至慶都賜碼碯盤行一綉青絨袍一九月庚申爲同知樞密院事仍兼都萬戶明年寶飾鎖鐵槌一鎖鐵寶刀一壬申皇帝即位大明毀建元壬午曆明日拜知樞密院事授以樞密

院印仍領其萬戶事甲出充滿達兒自遼東引兵寇通州賜寶劍弓矢鞍轡令也速迭兒帥諸翼軍馬出禦之丙子王禪等之兵軍於北皇后店也速迭兒移兵合擊敗之己卯哈刺赤渾都帖木兒阿剌帖木兒之兵軍於昌平縣東白浮村帥師合擊敗之壬午昔寶去大都之兵軍於昌平縣東北又帥師合擊敗之凡來寇之兵悉已敗衄總兵者或執或敗走北面悉平癸未太師右丞相會諸將於龍虎臺下奏凱於朝有勅命也速迭兒守居庸之北關壘石以爲固十月己亥拜祭祿大夫知樞密院事依前兼管都府事統領諸翼蒙古軍馬使出師禦寇兵之西入者師次廣平磁州之武安縣敗獲總兵者也先帖木兒等而西南諸郡以次告平庚子召還辛丑賜白金五十兩中統鈔五十貫金織文衣二襲十一月丁亥樞密院奉勅散諸軍行屯管還京師明年二月以舊官復拜

山東河北蒙古軍都萬戶府都萬戶二月賜以只孫宴服只孫者貴臣見饗於天子則服之今所賜絳衣也貫大珠以飾其肩背膺間首服亦如之副以納赤思衣等七襲納赤思者縷皮傳金爲織文者也海東青鶻二五月上之上都也也速迭兒仍帥其所統兵從八月賜白金五十兩金織文衣一襲十月癸卯皇帝若曰也速迭兒屬橐駝以備干城恪恭職事朕用嘉之其以爲河南行中書省平章政事代乞住移乞住他鎮十一月丙寅以所統兵置大都督府命兼山東河北蒙古軍大都督秩從二品刻銀印賜之己巳有封贈之命嗚呼上之所以待功臣將帥寵錫榮耀不亦盛乎臣嘗聞之自昔國家所貴有勲舊之臣者以其君臣之契深宗社之事論逆順向背之道素定於見聞而愛敬之誠自有不能已者故其得備戎行氣決志憤以能成功也

世祖皇帝既定海內以蒙古一軍留鎮河上與民雜耕橫亘  
中原故將委忠信於國人備非常於他日其所以爲子孫計  
者深且遠矣今上皇帝以天縱之資歷造昧之久舊名義  
以致討夙逆應天人而歸履大位固歷數之所在也若曹南  
王家自開基以來已入備禁衛出死行陣者三世矣今平章  
以其世守之舊兵奉中興之大業以致真王之封食所居之  
邑聲振大藩受軍民之寄福祿方未艾也嗚呼偉哉敢再拜  
稽首而爲之銘詩曰

昔在太祖受命自天聖子神孫師武用宣

世祖赫一一是萬國帝臣孔多貴有世績忠定之典承國肇  
基迺執干戈迺奉非務不寧方來先後奔走盡瘁殞身以昌  
歆後有竭桓殺益信以崇帝討王誅無往不從金氣旣衰宋  
亦就滅兼弱攻昧我帥我督截彼淮浦其流湯一蹀血以終

厲我國礪克繼父祖忠宣之武天錫之功世皇是輔肅

南征絕紅禱城左肅振旅馳追不庭世皇御天於鑠如日

式圍不遺聲教迺訖于時出師有事有分江漢之間忠宣所

軍蒙衝載兵溯江溥海列郡風靡有順無悔旋指江東進師

合攻閔柵兒嬉孰當吾鋒斬將連營覆卒盈野迺會元戎于

城之下變一壽發解璽入朝掠其餘疆曾不崇朝既定甌越

成功來告命以相臣持節東道治以歲成位以序升入覲

天子龍光是承天子曰嘻蓋彼海裔尔相于佐帥士以濟臨

涯揚舫海若弭靈天不憖遺亟殞將星忠宣所統國人之勇

留戍羅絡齊魯梁宋鼓旗聞我帳在中旣世其官又世其

功今我聖皇中興以正錫鑿在塗萬騎前乘誰其將之不

二之臣彼壘于郊摧之爲塵聖皇賞功寶王鷹馬還長其

鎮爲國名虎額二爾軍何以表之爾建大府都督之旗爾家

下曹有桑有土昔公今王三世之枯豐碑烈功備書三王宮  
爾多士勸忠勿忘

高昌王世勳之碑

至順二年九月某日某甲子

皇帝若曰予有世臣帖睦兒補化自其先舉全國以歸我  
太祖皇帝寔贊興運動在盟府名著屬籍世績令德以勵相  
我國家至帖睦兒補化佐朕理天下宜丞相為御史大夫文  
武忠孝厥績懋焉昔其父堇永昌大夫往上塚其伐石樹碑  
而命國史著文而刻焉臣某頓首受 詔退而考諸高昌王  
世家蓋畏吾而之地有和林山二水出焉曰禿忽刺曰薛靈  
哥一夕有天光降于樹在兩河之間國人即而候之樹生嬰  
若人姪身然自是光恒見者越九月又十日而癭裂得嬰兒  
五奴養之其最穉者曰卜古可罕既壯遂能有其民人士田

而為之君長傳三十餘君是為玉倫的斤數與唐人相攻戰  
久之乃議和親以息民而罷兵於是唐以金蓮公主妻的斤  
之子高勵的斤居和林別力跋力答言婦所居山也又有山  
曰天哥里干答哈言天靈山也南有石山曰胡力答哈言福  
山也唐使與相地者至其國曰和林之盛強以有此山蓋壤  
其山以弱之乃告諸的斤曰既為婚媾將有求於爾其與之  
乎福山之石於上國無所用而唐人願見遂與之石大不能  
動唐人使烈而焚之沃以醇酢碎石而輦去國中鳥獸為之  
悲號後七日玉倫的斤薨自是國多災異民弗安居傳位者  
數亡乃遷居交州今火州也統別失八里之地北至阿木河  
南接酒泉東至兀敦田石哈西臨西蕃凡居是者百七十餘  
載而我

太祖皇帝龍飛於朔漠當是時巴而木阿而忒的斤亦都護

在位亦都護者其國王號也知天命之有歸舉國入朝  
大祖嘉之妻以公主曰也立安敦待以子道列諸第五與者  
必那顏征罕勉力鎖潭回回等國將部曲萬人以先啓行紀  
律嚴明所向克捷又從 太祖征你沙卜里征河西皆有大  
功薨次子玉古倫赤的斤嗣爲亦都護玉古倫赤的斤薨子  
馬木刺的斤嗣爲亦都護將探馬赤軍萬人從  
憲宗皇帝伐宋合州攻釣魚山有功還軍火州薨至元二年  
世祖皇帝命其子火赤哈兒的斤嗣爲亦都護海都帖木迭  
兒之亂畏吾而之民遭難解散於是有旨命亦都護收而撫  
之其民人在宗王近戚之境者悉遣還其部始克安輯十二  
年都哇卜思巴等率兵十二萬圍火州揚言曰阿只吉魯魯  
只諸王以三十萬之衆猶不能抗我而自潰爾敢以孤城嬰  
吾鋒乎亦都護曰吾聞忠臣不事二王且吾生以此城爲家

死以此城爲墓終不能爾從城受圍六月不解都哇系矢以  
書射城中曰我亦 太祖皇帝諸孫何以不歸我且爾祖尚  
才矣爾能以女歸我我則休兵不能則亟攻爾其民相與言  
曰城中食且盡力已困都哇攻不止則淪胥而亡亦都護曰  
吾豈惜一女而不以救民命乎然吾終不能與之相面也以  
其女也立亦黑迷失別吉厚載以茵引繩墜諸城下而與之  
都哇解去其後入朝 上嘉其功錫以重賞妻以公主曰巴  
巴哈兒 定宗皇帝之女也又賜寶鈔十二萬定以賑其民  
還鎮火州屯於南哈密力之地兵力尚寡北六軍猝至大戰  
力盡遂死之子紐林的斤方幼詣闕請兵北征以復父讎上  
壯其志賜金幣鉅萬妻以公主曰不曾罕 太宗皇帝之孫  
女也主薨又尚其妹曰八卜义公主有旨師出河西俟與北  
征大軍齊發遂留永昌焉會吐蕃脫思麻作亂詔以榮祿大



夫平章以事領本部探馬赤等軍萬人鎮吐蕃宣慰司威德  
明信賊寇斂迹其民以安

武宗皇帝一名還嗣為亦都護賜之金印復署其部押西護司  
之官仁宗皇帝始稽故實封為高昌王別以金印賜之設  
王傅之官其玉印行諸內郡亦都護之印則行諸畏吾而之  
境八卜又公主薨尚主曰兀剌真阿難答安西王之女也領  
兵火州復立畏吾而於他延祐五年十一月廿一日薨子二  
人長曰帖睦兒補化次日錢吉皆八卜又公主出也帖睦而  
補化大德中尚公主曰朵兒只思蠻闊端太子孫女也至大  
申從父入備宿衛又事皇太后於東朝拜中奉大夫大都  
護陞資善大夫又以資善出為鞏昌等處都摠帥達官花赤  
奔父喪於永昌請以王爵讓其叔父欽察台不允嗣為亦都  
護高昌王云云治中與喃答只失王同領甘肅諸軍且治其部奉

定中召還與寬徹不花威順王賈奴宣靖王闊不花靖王  
分鎮襄陽尋拜開府儀同三司湖廣行省平章政事  
今上皇帝歸止大統召之至汴以左丞相留鎮湖廣時左轄  
相媚而害政人所弗堪至是有旨執而僇之乃更為申救於  
上曰是誠有罪然不至死再三言之得釋其不念舊惡以德  
量贊襄類如此天曆元年十月拜開府儀同三司上柱國錄  
軍國重事知樞密院事明年正月以舊官勲封拜中書左丞  
相三月加大子詹事十月拜御史大夫大夫之拜左相也迷  
念先生之遺意讓其弟錢吉嗣為亦都護高昌王臣惟高昌  
祖之所自出事甚神異其子孫相傳數十代至于今克治其  
土豈偶然哉火赤哈兒的斤百戰以從王事捐骨肉以救其  
民後卒死之其節義卓然如此至其子與孫再世三王盛德  
之報也大大世胄貴王情慎自持戶庭之間動中禮法平易

以近民正己以肅物仁義之功沛如也及其臨大政決大議  
憂深思遠而聲容凝重若太山然用能彌綸大經以佐成雍  
熙之盛所謂社稷之臣也哉表其碑曰世勲爲宜故再拜系  
以詩曰

維皇 太祖建極定邦知幾先徠偉茲高昌列國率賦寶玉  
重器稽首受命以表誠至 太祖曰嘻天啓爾衷有附匪疏  
以究爾功橐鞬介冑十千維旅以從四征斥廣疆宇從我王  
事靡鮮朝夕邦之世臣食其舊邑舊邑高敞介乎強藩爲暴  
突來虔劉以殘保障扞城我禦我備敵爲弗順我死無貳崇  
墉言 寇來寔繁力殫守堅責我師皆有齊季文出女紆難  
義有絕愛皇用咨嘆寇退民完天子慨之輦帛載金悴斯瀝  
之城郭室家既還既復庶其寧我皇錫之福于廬于野狂豎  
掃之矢盡衆殲執節死之維時賢嗣泣血入告請揚天威以

報無道天子壯之俾軍子西撫爾民人授之鼓鼙有器西羌  
弗靖以撓侈節征治旋就馴擾 武皇續武瞻爾舊服節旌  
印綬仍護其屬乃稽王封在時 仁宗旂纛舒以刻章以庸  
迺即求昌慕府斯建 將星宵隕亦既即遠宰木陰 閱歷歲  
時顧瞻徘徊邦人之思大夫嗣德克敬以讓三命弥恭世爵  
用享珮玉瓊琚靖共以君躬行孝嚴服御不渝肅 雖 有  
察有容親 尊 允德允功 天子還歸大義攸正大夫在  
行民信以定既安既寧治以告成大夫司憲百度孔明衮裳  
赤舄進見退思敬于無虞匪泰伊惕大夫申 明哲以字嘯  
歎有懷永昌之虛 天子有詔大夫省墓勒文載碑世勲是  
祚維王孫子永言思之豈惟子孫百辟其儀之

大崇禧寺碑

昔在哉

出祖皇帝膺 上天之景命承

太祖之丕基混一海宇建立制度條理綱紀一出睿思以爲子孫萬世之成法者昭乎若天旋而日行也乃若崇尚佛教營治塔寺亦必弘偉殊勝足以聳神明之瞻者曆數在躬天之所命孰能違之若夫大雄妙覺之尊以其慈威定慧默相潛佑者必有其徵矣是以 累聖相承率是而行之也今上皇帝潛邸在金陵時於其暇日登鍾山而觀之見其江山之繁迴樹藝之廣茂民庶之熙洽慨然興嘆以爲我祖宗德澤之涵煦以至于斯也問諸邦人父老則又以爲昔有聖僧曰寶公者自梁以來委靈茲山能相我 國家之神化以覆護吾民也水旱疾疫凡有禱焉隨願輒應於是皇上感焉鍾山之陰有石岩中虛下出流泉注入功德水乃即岩中作觀音大士象岩前構木棧虛容瞻禮者旣而又以

爲未足即說珠峯之北得高爽之福地規置大剎宮殿樓閣如自天降寶公之塔在峯上正當其前來茲山者仰而望之如見天宮於林壑之表然後 聖上仁民愛物之心所以厲諸寶公者衆庶莫不知之相與踴躍而贊歎矣鍾山之舊寺聚銅數萬斤鑄大鍾金旣在銘 皇上以碧珠投之及鍾成珠不壞完好堅固宛在鑲銑萬目驚覩以爲寶公之報贖焉天曆元年九月 日臣某入見內殿親詔之曰宜加寶公號曰道林真寶慧感慈應普濟寺曰大崇禧寺汝某其勒文以記之臣某旣具述其事而竊思之曰帝王之興也天與之天但之百靈受朕符瑞交現此其常也金陵據東南之會山川鬼神異扶翕張於吾 君者蓋凡五年而後歸正大統 皇心之注於斯乎嗚呼 累朝佛宇之盛皆臨御時爲民禱崇費用功力有司具焉今崇禧之成實在試難之日出私財

以兵事而雄麗若此此固生民之所以深感乎淵衷而寶公  
之所以顯著於禎符者也嗚呼休哉敢再拜稽首而獻銘曰  
大江之南鍾山龍盤王氣潛鬱神所保完於皇聖明遵養時  
晦靈示奉天竦立以待春殷秋高來遊來遨旂有交龍載雲  
在郊顧瞻原隰有稼有穡元々之生聖々之澤民亦望之帝  
子寔來不鄙我邦庶無苦哉維梁寶公去之千歲善福其民  
有引弗替皇運勃興寶有慧知奔走先後克相厥時奕々  
祠宮我營我作我報無私爾感無忤吉金之良燥濕不移萬  
石在簾寶乃發祥以肅群眎明珠不灼彰上之賜  
飛龍在天臨制九圍皇心徘徊眷茲崇禧崇禧之宇永殿南  
服天子萬年錫我民福

集慶路重建太平興國禪寺碑

昔金陵有神僧曰寶誌宋元嘉中居道林寺歷齊至梁數著

靈異天監十三年示寂武帝感其遺言瘞諸蛇山獨龍之皇  
帝女永安公主表以浮屠因建寺曰開善至宋太平興國中  
太宗得誌公秘藏石中符其國運有神降其宮親與之語蓋  
誌公云太宗畏之號寶公曰道林真覺菩薩更名寺曰太平  
興國賜田以食其人熙寧中王丞相安石守金陵合諸小刹  
以附益之寺始大建炎燬於兵紹興中更作淳熙中又燬隨  
更作之每更作輒加宏廣日其月累至於我國朝而規制  
之盛極矣至治辛酉匡廬僧守忠應請求主之禪學之士來  
者日滿其堂

今上皇帝以泰定乙丑之歲正月來至於是邦而寺適災天  
意甚曰其撤舊而作新之乎皇上感焉出金幣以爲民先  
於是行御史言宜與郡縣之吏皆抵若上意始忠之治寺也  
特有蒲盧之澤前月奪於皇家寺謀訟之累年邦决忠至讓

而其辨奪者愧而歸之人固以是信道之矣

皇上一風動之遠迹雲集富者効其財貧者輸其力工則致其巧農則獻其食一歲垣廡成再歲堂室具其可以名書者曰方丈曰北山閣曰經樓曰香積曰水陸堂曰白蓮堂曰伽藍堂曰大僧堂曰道林堂曰新倉院曰耆宿之舍而大佛殿鍾樓三門未成蓋有待也歲在戊辰鑄大鍾爲金數萬斤方在冶上施寶珠投液中鍾成其款有曰皇帝萬歲珠宛然在其上若故識之而光彩明發不以灼毀萬目共覩歎歎如一時上方別建佛祠於寺北今賜名曰大崇禧萬壽寺者也定年秋

皇帝歸時大寶是爲天曆元年出詔書布德澤於天下即命廷臣別表寶符號曰道林真覺惠感慈應普濟聖師封名曰以神勅之出黃金白金重幣賜忠臣成寺之役蠲寺田之賦

賜守忠爲佛海普印曇芳禪師住持大崇禧萬壽寺兼領茲寺未幾加授太中大夫以大禪寺領兩寺如故至順元年秋御史中丞趙世安傳勅召忠入朝九月九日上御金章閣三藏國師吏部尚書王某以守忠入見奏對稱旨命大禧宗煙院日給廩餼賜金襴伽黎衣與青鼠之裘其弟子以教紹基等凡九人賜各有差十二月一日賜設於聖恩寺乃詔學士臣某至榻前製文以記之俾忠歸刻諸石國師以其事示臣某如此臣謹具載而言曰上於金陵新作之事二曰龍翔集慶因潛龍之舊邸也曰崇禧萬壽廣親構之新祠也獨太平興國雖曰宋齊梁陳唐宋之遺然盡燬而復興實在今上龍飛之日景運之玄契蓋有徵焉茲二寺者鼎立乎一郡之間以同贊乎聖天子億萬斯年之壽豈不盛哉然臣嘗竊聞陛下之意每不欲專福于躬而欲溥濟均惠於天

下故敢述萬一而銘之銘曰  
維帝受命厥有禎符天人合機不占以宰於赫 聖皇  
聖武之系贊于克艱神作司契豈有萬方山川幅員釐厥下  
土徒御告勤顧瞻道林在江之汜翠蓋孔旂來狩來止道林  
有宮百靈攸宗中有神師民所敬慕土良泉甘風雨時若發  
祥效珍以待聖作聖作孔時動而天隨龍躍以飛神師啓之  
神師不言而示以兆有命方新去故以燎作而新之自我  
聖皇乃後乃除乃基乃堂日月重明天光旁燭 皇心載欣  
萬佛降福凡我臣民息養以生飽歌煖嬉稚壯羣寧異兵以  
革牛馬在野至於永久樂其休暇動孳殖亦遂以成幽塞  
苦冤各甞而身 聖皇之心斯佛之力銘以著之以示無極

道園學古錄卷之二十四

道園學古錄卷之二十四

雍 虞 集

應 市 錄

碑

大龍翔集慶寺碑

欽天統聖至德誠功大文孝皇帝自金陵入正入統建元天  
曆以金陵為集慶寺使傳旨行御史臺大夫阿思蘭海牙命  
以潛龍之舊作龍翔集慶寺云明年召中天竺住持禪師大  
訖於杭州授太中大夫主寺事設官錄之書官為國授吏部  
尚書王僧家奴任章其役并廣其地為民居者悉出金購之  
士未瓦石丹聖金碧之需財自內出不涉經營工以傭給役  
弗違農有司率職庀工景從響應御史中丞趙世安承稟於  
內行御史中丞亦釋董阿忽都海牙相繼率其屬以莅之吏  
敏於事民若不知材既具期以明年正月甲子之吉廼建立

焉其大殿曰大覺之殿後殿曰無量壽佛之殿居僧以致道者曰禪宗海會居其師以尊道者曰傳法正宗之堂師弟子之堂發辨証者曰雷音之堂法寶之諸曰龍藏法食之處曰香積鼓鐘之堂金穀之委各有其所繕以垣廡闢以二門而佛菩薩天人之象設纏床蓋座嚴飾之具華燈香樂之奉與凡所宜有者精備以稱上意焉賜姑蘇腴田以飯其腹上在奎章閣親詔臣某製文勒石以誌之臣聞金陵之虛自秦時望氣者嘗言有天子氣至藏金土中以填之其後若吳晉宋齊梁陳南唐之君長據以為都會然皆瓜裂之餘僅克自保下足以當王氣之盛夫孰知江山盤踞之固天地藏閔之父積千餘年而有待於我

聖天子之興也不然何淵潛之來處遂飛躍之自茲自諸禎祥行事昭著之若此者乎夫太陽之升麗於天光耀照赫高

深廣袤之區生成動植之類孰不受其煦燠而其次舍之所經知天者必仰推而志之天子以四海為家莫非聖明之所臨鑒惟帝運之所由起天人應合之機實在於此其可忽諸乎天子建極于中撫制萬國顛懷昔君勢隆望重冰我佛世尊無量之福孰足以慶乎此也茲寺之成上以承祖宗之洪府下以廣民庶之嘉惠聖天子之至仁大慈垂示乎億萬斯年者於此可見矣嗚呼盛哉敢拜手稽首而述讚曰

明明上天祚我皇國聖祖神宗立我民極於昭武皇懋建不結憲章脩明民用齊飭天下為公仁廟受策治極而圮或敷彝則乃瞻明哲是保是翼俾久而安弗遐以溯祝融效靈海若率賦更相吉土此維與宅吉土維何建業舊邑龍依崇丘虎石昔有居者不稱厥德惟我聖皇天命攸

迪川寧於波田宜於穡民用孝敬神介景福 帝命不遲師  
武臣力遂開明堂受天之曆廟而祖饗郊而神格治功告成  
庶物蕃息江流浪、經我南服中城有宮 皇所肇迹惟時  
父老載慕疇昔雲來 臨庶我心澤 皇帝曰嘻予宣汝釋  
維大覺尊寶相金色常以惠慈拯汝迷弱我即我宮作祠奕  
奕照汝洋身沐汝甘澤汝見大雄如我來即馬寶象寶貝金  
珠璽凡為汝故我施毋惜無蕃無害居佛之城民庶稽首我  
不知識我願 天子聖壽萬億與佛同體付出有赤一誠報  
恩有永無斃

大承天護聖寺碑

惟皇上帝監觀萬方爰啓 聖神俾一遐邇時惟  
太祖皇帝神武維揚作興 帝業世有濬哲秉鉞誓征粵  
出祖皇帝建茲民極用輯大成既有九有戰兵包甲禮脩樂

宣神祇咸若敦一本以端統樹羣支以定分秩序有經萬世  
永賴

成宗顯承法教一我

武考受命撫軍歸績歷服保育民物既庶既富豐音豫大如  
日方中迨至延祐至治之間重熙累洽物大而盛弗虞險王  
間數彝憲於是

欽天統聖至德誠功大文孝皇帝德合天人之助躬脩揖遜  
之節武以勘定文以宣昭忠孝率職委匿摛伏雨暘以時年  
穀順成室興於山海波不揚嘉靖寧一利澤長久頌聲交作  
度越古今

列聖之仁恩神靈之景貺布濩旁達湛漬駢臻於斯時也有  
歛福錫民之志焉固皇極之道也乃託諸制作之宏祠享之  
盛于以表奉先之孝于以廣濟物之慈同仁之化不亦與天



地合德矣乎天曆二年歲在己巳春 月 皇帝若曰予承  
宗廟之重君臨天下夙夜兢慎思所以上繼

祖宗下安民庶者不敢少置也矧予昔在冲幼

太皇太后躬保持而導迪之欲報之德亦不敢少忘也稽諸

佛氏之書孝莫重於報親慈莫廣於及物而吾佛之所以陰

相我 國家者豈可量哉汝太禧宗禪使月魯不花中書平

章明理董阿大都留守張金界奴其為朕度地以作梵刹稱

朕心焉四月 上幸近郊觀於玉泉之陽謂侍臣曰魯罔復

嶽隱隆西北太湖之浸汪洋溥涵峙而東高甕山在焉旁薄

扶輿固祗園之地也使太史眎之曰吉秋八月晦立隆祥總

管府以領之鑄銀為印秩正三品以臣月魯不花領府事將

作臣阿麻疎為達魯花赤國語達魯花赤官屬之長也臣金

界奴為總管 上曰建寺而不先正其名民將因其地而稱

之其君題曰大承天護聖寺又曰寺所以嚴奉祀事而屢泯

雜居則幾乎瀆矣買旁近地得十頃有奇皆厚直以予之分

賜從臣僕為休沐之邸侍祠而至則處焉且命其總管府臣

相大田以買之度其歲入以為僧食明年 上受尊號改元

至順十月 上命太師臣燕帖木兒率百官詣寺所告諸后

土之神始命大匠治木 月 命中書右丞臣撒迪為隆祥

總管府達魯花赤蓋以省臣重其事也二年四月十六日

始作土功治佛殿基得占金銅之器於地中多事佛之儀物

實有密契者云寺之前殿寔釋迦然燈彌勒文殊金剛手二

大士之像後殿寔五智如來之像西殿度金書大藏經

皇后之所施也東殿度墨書大藏經歲庚午 上所施也又

像護法神王於西室護世天王於東室二閣在水中坻東曰

圓通有觀音六十像西曰壽仁 上所御也曰神御殿奉

大皇太后時容於中日有獻月有薦時有享器用金寶曰壽  
禧殿 上齋宮也諸宿衛之舍畢具九月 上諭臣金界奴  
曰朕之建寺非徼福以私朕躬也昔者國家有佛祠之建金  
帛穀粟一出於國之經費受役於徒則民與兵官府供億並  
緣為奸非朕意也今茲役也王傭其直物備其價勿使有司  
因得以重困吾民臣金界奴頓首受 詔而退鳩王以集事  
材木斃瓦丹漆設色必精必良其土宜交 步得所稱事出傭  
藝爰奏能施無遺巧人樂效力若子移父之屬樞密儲政院  
臣請以所領軍就役而給錢如民則軍士亦被惠矣從之凡  
役軍四千三百又留守臣言寺有行宮 天子之所齋也嚴  
重不敢發請以所領匠將作而給錢如兩院之兵亦從之十  
月十五日 上覽是而悅之陞隆祥總管府為隆祥使司秩從  
一品命太禧宗禋使臣晃火兒不花臣撒迪臣阿麻球大司

農臣金界奴為之使他官與次俱升又作東別殿枋木別殿  
文室講堂泉沙門之居會食之所碑亭并亭有福庫廡門垣  
橋梁成稱觀美凡規制皆圖以獻而 上親臨定焉 皇后  
出大慶禮賜白金從戶部易鈔四萬定及割曰賦之在刑農  
者以資之二年寺大成於是召五臺山萬聖寺 律師惠印特  
賜榮祿大夫司徒主教於寺有勅命臣祖常臣集臣法洪臣  
惠印製文以刻諸碑臣等既同奉 詔乃相與言曰惟昔有  
國家者秘祝不私其身而思錫諸民史所書之後世誦之今  
聖皇之心一出仁孝瑣瑣之秘祝詎可擬論哉且其為役可  
謂大矣財出內帑而不傷於外府役以傭錢而不勞於兵農  
官有專任而不煩於有司欽惟  
聖上怡神穆清對時育物量準天地而一日萬幾睿知明達  
而慮周天下至若斯寺之落成也營度經始之勤治辦董正

之任考圖攻位之審其簡在帝心又有如此者豈非億萬世  
宗社生靈之福哉敢拜拜稽首而獻文曰  
於赫皇祖聖神立極登出繼承照臨維維維我 聖皇孝  
思如在視民如傷博施廣愛具曰大雄等慈能庇仁導善開惡  
以拯我人乃作大利于國西郊擔星臺書異靈後雨之六文金玉寶  
物箠同河沙曰予有所出不謂多飛蓋樹幢木鸞珠網聖靈  
與俱來即來享福我忠我遠我煦養子孫黎民均視同仰思  
我大母爲世遠思顧復之勤孫謀是貽肅肅徽音邈邈令儀  
眷予暗懷庶其來茲相彼流泉閣于水浚人神翊扶 天子  
至止鼓鍾鼎彝嘉樂宴喜多壽多福又多男子羣臣百工侃  
侃獻功民無勸勞府乃表元樂石刻辭頌言誰誰億萬斯年  
贊于皇風

河圖仙壘碑

今上皇帝以特進上卿吳公全節年七十用其師故開府儀  
同三司神德張真君故事命肖其像使宰執贊之識以明仁  
殿寶而寵之 賜宴於所居崇真萬壽宮近臣百官咸與大  
合樂以饗盡日廼已既拜賜公坐于承慶之堂召門人弟子  
而告之曰吾在髮亂志翔家廓稍長學道弱冠從先師謁  
世祖皇帝遂留不歸五十年間以 天子之命紀名山大川  
東南西北輟迹咸至一遇泉石之勝輒旁皇而不可得而我  
父母被寵光封鄉國高年偕老時 優詔使歸爲壽而我曾  
不能晨夕在側吾終身之不安者也今老矣爲我圖地必吾  
父母之塋是近庶體魄有所依焉則我之志也小子識之於  
是命弟子歸饒而求之明年得地於安仁縣去饒國公之墓  
左數百步其山曰河圖之山書以圖來公嘆曰吾昔聞諸異  
人云河圖八卦也今人所傳河圖蓋五位相得而各有合之

圖也儒家頗駭其說然即卦以指視先天位數吾得金吾之旨焉故宋江東謝公坊得得其說而隱去世祖力致之在道不食數十日而神氣益完迫授以官迺化去吾受其書而藏之公得山曰河圖告我之兆久矣迺命作石壇據風氣之會將以栖神焉則又歎曰予平生以泯然無聞爲深恥每於國家政令之得失人才之當否生民之利害吉凶之先徵苟有可言者未嘗敢以外臣自詭而不盡心焉而恩賚之厚際遇之久則有非人力所能至者矣其從子集賢待制善竊知公之意錄其平生之事畧已成編會善卒公得其書而感焉乃遺書江南以告集曰吾蚤歲猶得見國朝諸大臣及宋之遺老逮其中年公鄉之重士大夫之賢且仁者無一人吾不見焉覽觀四方逝者如水知心之友其文可以傳者莫若清河元復初氏而云亡亦已久矣區區之

迹他日將何所托乎人生不可期相望數千里子必爲我著仙壇之記使千載之下猶或於此乎知之則亦故人之情也夫迺爲次第善之所錄以遺之云吳氏系出太伯爲吳子之國子孫散處吳楚間多以國爲氏其在番者爲番君番之吳皆宗番君矣其居安仁有龍坡居十諱岳者墓在桂溪前倉之曾源其高大父也世居壽櫟山屋於礎石之上故宋咸淳己巳有泉出東楹之礎潤涸之脉理直如貫繩上升梁間達乎西楹迺生靈芝光彩映日久而不壞是歲十一月七日公生丹光盈室生七月而能言其父抱膝上因坐假寐夢神人告之曰高仙托體君家塵中不能留也四歲能誦詩七歲其叔父教之日記千言十歲從其兄遊乎仙巖之下慨然有遺世之意十二學道信州路挂溪縣龍虎山太上清正一宮之達觀堂之尊師李君宗老嘗有異徵得公而應焉臨川有

雷空山先生言隱居種湖之上深明易老以其所學著為成書公往師焉他從學者莫之能及也李君避舍延至雷先生而公得以專受其業雖休沐不出每得新瓜果之屬必即以歸獻其親無有曠闕十六度為道士於其傳系則居何君恩榮之次 國朝初得江南嗣漢二十六代張天師宗演入朝張公留孫在行奉 勅留禁近始賜名上賜其後位特進開府儀同三司玄教大宗師者也至元十四年作崇真宮以居之二十四年開府徵公至京師公辭其親別龍坡君之墓新墓田之舍以行是年得入見 二十六年奉 詔祠南嶽二十八年奉 詔從開府徧祠嶽瀆諸山川二十九年賜崇真宮於浙西公奉 詔宣諭江浙行省三十一年成宗皇帝自朔方還纂大統公從開府率其屬北迎召見賜公古瑯玉蟠螭之環一有旨設醮于上都 壽寧宮五晝夜

公專主章奏 特勅命公每歲侍從行幸所司給廬帳車馬衣服廩餼者為令元貞元年制授公冲素崇道法師南嶽提點二年奉詔祠中嶽淮瀆南嶽南海大德元年奉詔祠后土西嶽河瀆江瀆二年 制授冲素崇道玄德法師大都崇真萬壽宮提點三年大上清正一宮災公奉 旨與近侍馳驛命江浙省臣更作之公請與宮之人各以私財佐有司之不及四年 命有司作三清殿及觀門廊廡于崇真宮設醮慶成 上齋而臨幸賜 開府及公黃金白金重幣有差五年公奉 旨召嗣漢二十八代張天師與材過揚州為守臣禱旱雨至 京師為答刺罕丞相哈刺孫王禱旱又兩八年公父母年皆七十奉 旨降 御香于江南諸名山 賜對衣尚尊為其親壽于齊老之堂九年作崇真觀于安仁縣賜名曰萬壽崇真觀十年 制授公江淮荆襄等處道教都提

點十一年

武宗皇帝自朔方歸纂大統 制授公玄教嗣師總攝江淮  
荆襄等處道教都提點崇文弘道玄德真人鑄銀為印曰玄  
教嗣師之印視二品封其父克巳翰林學士中順大夫至大  
元年以歲歉禁民間酒特 勅光祿寺日有賜尊 士賜公  
七寶金冠織金文之衣為朝真之服  
仁宗皇帝在 東宮所賜冠與衣貴重華異如 上所賜公  
從 駕至中都中秋 錫宴 上頌其躬養醇改賜黑貂二  
百以為衣縷金文之錦以為袂二年制授公弟子夏文涼元  
成文正中和真人江淮荆襄等處道教都提點賜銀印視二  
品二年公奉聖旨設醮于龍虎閣皂角曲三山 制贈公大  
父鑑昭文館大學士資善大夫追封饒國公謚文靖祖妣陳  
氏封饒國夫人父翰林學士克巳加授榮祿大夫大司徒饒

國公母舒氏饒國太夫人仍賜對衣上尊有 旨命公奉

贊書歸鄉榮其親因命設醮于安仁縣之崇真觀以慶成皇

慶元年

仁宗皇帝命設大醮于大都南城長春宮公奉 旨投金龍

玉簡于嵩山濟瀆是年 勅翰林學士元明善脩龍虎山志

者序進入改賜崇真觀額為崇文官延祐元年公奉 旨設

醮于龍虎閣皂角曲三山因請歸慶其父母八十之壽對衣

尚尊之賜如初是年傳 旨江浙行省促公還 朝 制授

公弟子毛穎達正德弘仁靜一真人嗣掌道甲之祠事 賜

銀印視二品四年有旨名其鄉曰榮祿鄉里曰具慶里降璽

書護其家六年饒國公之計至上京集賢以聞 勅翰林侍

讀學士元明善著碑文翰林學士承 旨趙孟頫書字 太

子詹事郭貫篆額給傳奔喪十一月太夫人歿十二月葬父

母于其縣崇德鄉之山田作明成觀以奉祀明年召還京師英宗皇帝至治元年十二月開府張公觀化于大都崇真宮上聞有旨歸其喪於龍虎山百官送諸上東門外所過有司治辦舟車祭遣公請歸職喪不許命弟子崇玄冲道明復真人陳日新薛玄義奉喪還二年制授公特道上卿玄教大宗師崇文弘道玄德廣化真人總攝江淮荆襄等處道教知集賢院道教事玄教大宗師三章一一品銀印一總攝道教事二品銀印一并授之勅省臺百司諭以傳宗之事而大護其教用開府之志作東嶽仁聖宮於齊化門外重修太一延福宮二年太上清宮又災公率其屬更作之泰定元年春長春掌教真人闕上用公薦以沐梁朝元宮孫公履道王之二年公奉旨設大醮于長春宮又設大醮于崇真宮護教之詔如故事制贈饒國公光祿大夫大司徒謚

文康二年奉旨設醮于龍虎閣草甸曲三山奉勅羅開府張公于南山之月嶠作仁靖觀以奉祀四年改造開府所建溪山真慶宮天曆改元冬公還自土京明年北迎明宗皇帝謾見之次賜對衣上尊及歸天曆護教之詔如故事追封故開府張公曰神德真君勅改仁靖觀為神德宮至順二年公進宋儒陸文安公九淵語錄出罕知陸氏之學是以進之有旨設醮于長春宮公告老請以弟子夏文沐嗣玄教詔留公三年有旨設普天大醮于長春宮又設大醮于崇真宮元統元年今上皇帝即位護教之詔如故事仍改至元之元年京師旱公奉勅禱之雨冬無雪公奉勅禱之雪二年公重建饒州芝山文惠觀於永平門外遷番君之神以居之四年與神德宮明成觀皆被燬書之賜五年畿內田有蟲蠶蠶政

請公禱之三日盡除而仙壇之成則在六年矣皇元初有  
中原五嶽之四在 天子封內既得宋而後南嶽之神得而  
禮焉是以

世祖特命開府張公領其祠至是屬諸公矣長沙有故宋相  
趙信公葵之子淇博學多識尤好神仙金丹之事有 春李  
先生簡易者故玉溪李觀諸孫遇異人得丹道蓋以為遇  
海蟾而得之淇每師問焉未盡其旨而李先生化去後遇之  
王山道中始得其說既內附命為湖南宣慰使輒欲舉官行  
其道憂患多故不能如其志公為

天子使南嶽道過長沙相公見而敬焉曰神氣冲爽而有福  
德可以受吾道迺焚香密奉以其書以授之則皆海蟾玉溪  
之秘云

世祖嘗曰 天子當禮五嶽而朕年高不能往每遣近臣忠

信而識察者分道祠嶽瀆后土戒之曰神明之使馬不至喘  
汗則善矣蓋歸而問其所聞見人物道里風俗美惡歲事豐  
凶州縣得失莫不參伍以周知疎遠之迹焉公之連歲被  
命而出每辭以為臣不足以當大事之重 上曰敬慎通敏  
誰如卿者遂行他日

成宗遣嶽瀆使還顧問如

世祖故事曰物過郡縣有善治民者平對曰臣過洛陽太守  
盧肇平易無為而民以安靖 上曰五嶽其人即日召拜集  
賢學士公使過浙西時故翰林學士闕公復為按察使老成  
文學譽望甚重公時才踰弱冠議論明正闕公客之不敢忽  
也後闕公居翰林益加重焉

成宗既崩

仁宗皇帝在懷孟未至而闕公典詔令有任士危言以訐闕



公事罔測公力言請李韓公孟  
仁宗意解及

武皇即位遂以平章政事歸老高唐如

世祖待王鹿菴磐故事

朝廷得敬大臣之體不以口語傷

賢者則公深有以維持之也故翰林學士吳公登始用董忠

宣公士選薦於

朝自布衣拜翰林應奉

召公三不拜去後

又召為國子監丞升司業與時宰論不合又去公啓於集賢

貴人曰吳先生大儒天下士聽其去非朝廷美事集賢貴人

聽公言超奏吳公公為直學士吳公雖不赴而天下隨之至元

大德之間重熙累洽大臣故老心腹之臣莫不與開府有深

契焉至於學問典故從容裨補有人所不能知而外庭之君

子魏冠襖衣以論唐虞之治無南北皆主於公矣若何公弟

祖張公思立王公毅高公昉賈公鈞郝公景文李公孟趙公

世延曹公鼎新敬公儼王公約王公士熙韓公從益諸執政

多所諮訪聞公後姚公燾靈公擊王公構陳公徽劉公敏中

高公克恭程公矩夫趙公孟頫張公伯純郭公貫元公明善

袁公相鄧公文原張公養浩李公道源商公奇曹公元祐王

公都中諸君子雅相友善交游之賢蓋不得盡紀也薦引善

良惟恐不及憂患零落惟恐不盡其推轂之力至於死生患

難經理喪具不以恩怨異心則尤公之所長也公博覽群書

徧察群藝而於道德性命之要粹如也嘗作環樞之堂畫先

天諸圖于壁以玩心神明有詩曰要知顏子如愚軀正是羲

皇未畫削其所造蓋如此故其述作光明痛快足以見太平

之盛而深存忠厚於人倫有所感發自幼至老尤好吟詠皆

出其天性之自然而非有所勉強尤識為政大體是以開府

每與廷臣議論及奏對上前及於儒者之事必曰臣留孫之

弟子具全節深知儒學可備顧問是以  
武宗仁宗之出嘗欲使返初服而置諸輔弼焉道家醮說  
之事是其職掌故於科教之方無所遺闕香火之費無所簡  
吝然而朝廷耗費過重則每曰事天以實不以文阻災在  
於脩德而禱祈特其一事尔全真之教叙其祖傳有所謂玄  
風慶會錄者大德中嘗使人譯之而莫達其意有旨命公  
論定公曰在真人之所以告

太祖皇帝者其大槩不過以取天下之要在乎不殺治天下  
之要在乎任賢脩身之要在乎清心寡欲煉神致虛則與天  
地相為長久矣譯者知其言奏之上大感悅不惟兵公之心  
事明白而

太祖皇帝聖學之淵微亦從可窺其萬一足以及君子深有慨  
於公之言也公之執親喪也自奔喪至家水漿不進粥僅足以

延息涕泗滂沱繼以血衄喪葬之後力之所得為者無不盡  
其力焉山田之域伐石江濱山為洞穴掘泉下錮深廣高厚  
葬之日郡守王公都中親助喪事送葬者連數郡車馬畢至  
時方寒雨序淖載途一夕北風結凍堅冰在地行者無苦人  
以為孝思所感也明成勳有著存閣者以致其嚴祀之意方  
外之士感其孝思知慎其親之存歿自此始矣其事開府也  
先意承志周思廣慮所以事朝廷尚道教無絲毫可所違  
拂開府泰然委之而不疑確然信之而不惑所以能有立於  
聖世者非惟運數則然而其誠心相孚亦有以致之也其葬  
開府於南山也饒信撫三郡守將以其官屬會葬江南諸名  
山之主者皆來竣事伐石題名而退擇卜之慎營繕之勞工  
力之博宿安足之盛東南數十年間未有能彷彿其萬一者公  
之盡力於其師與所以奉其親無工矣父之作南山詩沉

鬱哀慕識者讀而感焉東南道教之事大體已定於開府之  
出而艱難險阻不無時見於所遭禪補扶持彌縫其闕使夫  
羽衣黃冠之士得安其食飲於山林之間而不知公之心力  
之罄多矣公之宗系別居於達觀堂者顯獨隆於他支封  
真人者凡數十人奉被

尔王書主官觀者尤不可勝紀其姓名別有述公平生畫像之  
贊及大父母父母與其身之所奉被贊書及諸堂室記頌公頌曰  
一時名筆別類為書曰天爵堂類編并其所為詩文曰看雲  
錄者通若干卷集賢直學士揭傒斯奉 旨作序以傳于世  
皇上即位之初親御翰墨書閣看雲四大字題曰賜吳上  
卿識以明仁殿寶 勅御史中丞西祖常太常歐陽文為之  
贊至元六年九月初一日大駕自 京還次懷來燕坐帷殿  
集賢大學士不谷大和利等以上卿之言入奏曰御書四大字

臣全節既刻諸樂石又模勒于文梓為四鉅牌塗以黃金屬  
以雲龍之飾以其一賜崇文宮閣而度之請錫名曰龍章寶  
閣又以甘賜達觀堂 先朝嘗賜玉璞命攻玉之工擬太上  
說經之像刻數年而後成請以瘞之達觀閣而祠之請錫名  
曰玉像之閣而御書一榜揭諸其上矣有 勅命臣某為之  
記而文惠觀河圖仙壇并命臣某銘之臣某先已記仙壇之  
記如右謹再拜稽首奉 詔而為之著銘曰

巖乎茲山厥名河圖地闢天開孰究始初則圖示卦庶聖歷  
述山藏無聞傳者周易 老之通同原殊宗或隱或彰闕在  
道宮二月崇丹丘僊壇是作玄契夙符龜筮從若門人弟子作  
之二年天子致問有貴其困清靜佐理啓自神德維帝外臣  
歷出無數在今宗師有為有文孝親敬師致忠於君寵光道  
家冠代邁古白髮蒼顏長侍帝所遺老故臣沛然從游紀德

論交金石不渝量弘智周用世何有却而不居有相其道天  
子聖明昭惠老成龍章鳳書玉質金聲有懷故鄉有棟有宇  
神明攸居山木暈舉盛德孔容象其粹冲聿嚴敬共以報顯  
融有嘉豐草吻鳴鹿天降甘露漚漚神穀維昔廣成宅乎  
空同下歲下衰穆其清風蕭蕭吾壇圓方平直奇耦參兩俯  
仰有則脩名度方天予命之刻詞孔自來皆敬之

靈惠冲虛通妙真君王侍宸記

至順三年夏樂安縣尹蒲君汝霖以書來告曰在延祐庚申汝  
霖同知南豐州事六月州境大旱禱諱三川弗應州人言有侍  
宸王君祠在神龜岡所謂妙靈觀去州教里侍宸宋徽宗時歸  
而沒於其鄉其神至今有靈異蓋禱諸汝霖以雨為已任親往  
禱焉既得卜乞靈水於缶登丹以還有蜿蜒浮水而來者紅光  
赫然雲氣隨之州吏以器迎之即就器蟠不動及州門雨垂降  
至公署而大作是歲稔明年又旱吏民以汝霖前禱之應也該  
汝霖仍往其鄉如去歲又稔於是歲州之父老來告曰侍宸之  
恩不可不報生有道術著於時歿又惠澤及其民宜自朝廷  
有以表異之南豐下州也而不統于郡得專達行省乃以侍宸  
事為文書上之既聞於朝事下太常博士議曰君故宋時已  
封冲虛通妙真人宜加賜靈惠易真人曰真君是時有臨川道

士唐樂真以法術承應。內廷是年以侍宸教法禱雨京師有  
應。集賢院亦上其事故。朝廷知之而得封甚速也。命既下  
而汝霖李製錦於樂安去南豐二百里而近增封之。命至斯  
所以後。上賜而係民心猶汝霖之責也。公在太史幸為書其  
事於石汝霖以鄉人請私焉。按臨川肝江志宣和間有南豐人  
王文卿字子道號冲和子生有異質嘗為詩告其父有方外之  
志父歿辭母遠遊渡揚子江既濟行野澤中雨暝迷路見若有  
燈火者就之有老嫗為逆旅者得文書數卷篝火讀之雨霽火  
絕天且明乃在大樹下無逆旅也。其書蓋致雷電役鬼神之說  
云以是濟人甚衆名聞江湖間。當是時徽宗崇尚道教嘗夢得  
神人以形求之得侍宸焉。賜見大稱旨拜太素大夫凝神殿校  
籍其官道君別置道教官也。大夫校籍位已尊矣。賜其父承事  
郎封其母曰宣人京城有狐為妖人為位狐王廟瑤津池又有

蓋黑鯉也。奉詔勅之狐鯉皆雷擊死。將有事於明堂而雨不  
止。君禱之立霽。有詔獎諭拜金門羽客。自校籍升侍宸。賜號冲  
通妙先生。淮南北以無雪告。上憂麥以告侍宸。遂大雪麥熟  
矜金帛不受。盜起山東徒黨號巨萬。郡縣不能制。聲勢張甚。召  
見便殿。上以為言對曰。當以神力助討。他日獻捷者言天大雷  
電賊乃潰。而道君遂歸功於侍宸矣。而侍宸實預知天數。數  
以脩政。煉兵為請。不暇聽其說。乞身歸田里。求去不得。一日拂  
袖徑還南豐。未幾宋南渡。紹興二十二年八月二十二日為酒  
食召鄉里飲。別書頌脩然而逝。既殮。聖指而葬之。甚輕。蓋尸解  
云。神龜岡其墓也。其靈異之事相傳不絕。侍宸歿而能福其鄉  
之民。蒲君去他官不忘其舊。民嘗受侍宸之賜。其仁惠皆可錄  
故書之。使邦人有所考焉。予既為前南豐倅蜀人蒲汝霖著侍  
宸。王真君碑。後六年為至元庚辰十月上清外史薛玄卿以書

來告曰有番禺胡道玄先生人間所謂神霄野客者也得侍宸  
之真傳年二十餘道行關陝荆襄江漢淮海閩浙之間當己巳  
庚午之旱旬日之中郡縣爭致之所歷或一日或二日嘻笑怒  
罵雷雨隨至官吏畏而民愛之環四五千里之間所至無不應  
者至於妖怪之作効治如法人以為神遇異人於武當大頂天  
柱峯得修仙之道徧游名山洞府而歸江東西之間從蓬頭金  
公遊甚相契許他人莫之測也於是收歛神異之迹將求名地  
以歸隱是以謁浮丘君於華蓋之上道過黃茅之岡故使予得  
見焉既見則為余言曰神龜岡碑所載事有未備者請述之云  
若侍宸自南豐辭親而至揚子也所遇而得書者父師也火師  
者蓋上古神人而出傳為汪氏子華者蓋其化現爾其囑侍宸  
之言有曰吾身一天地天地一陰陽握其機者在我而已子當  
以是應文徵佐明主吾待子於神霄之上矣侍宸退而修諸其

鄉軍峯之陽所坐磐石猶在及事道君皇帝位至侍宸道官之  
尊貴與文官侍從等其後又遷冲虛大夫賜金方符使叩以入  
禁衛加贈其父曰承議郎母曰令人宮中人多病者上以問侍  
宸侍宸曰此有物怪爾當劾之坐未退天忽晦冥雷電交作頃  
之霽一白龜甚大震死疾病者皆起揚州守臣以旱告禱雨不  
應道君以問侍宸對曰下民多罪 上帝震怒水不可得道君  
強之侍宸曰無已惟黃河水可借三尺耳數日揚州使至奏得  
雨皆泥潦計其時乃奏對之日也侍宸既以國亡妖孽為奏不  
見聽而還上思之畫其像而親為之贊既居鄉二里無水旱疫  
癘妖怪之事千百里間雖亂離而帖然高宗定都江南將二十  
餘年聞侍宸猶在命守臣物色之有詔曰勅王文卿先朝高士  
退隱林泉枕石漱流多歷年載兵戈之後音不聞朕甚思之  
其出山一來以副虛佇又敕守臣以禮津發辭以老病不復至

闕使人畫其像以進亦親題贊世人多傳之歿既久侍宸之從孫以貧從商人入蜀親見侍宸於道中弗識也執手江許多所傳授曰明日渡江某觀中可相尋也明日至其觀悄然無一人高堂中有畫像則侍宸之祠也始知其所遇傳授者乃其六父也又明日又遇之以幅紙與之曰此孫至家上官賜以吾書盡授之妙濟婦告上官上官弗信出其善視之上官識其手蹟號慟於地盡以教之際遇寧宗朝法亦大顯賜號妙濟先生名嗣文蓋妙濟初年不甚識字嗣文亦侍宸江許所命也又有薩守堅者亦酷好道見侍宸於責城山而盡得神秘游東南禱祈効驗其神惟有過於侍宸者游江西入關過神龜岡乃知侍宸為數十年前人云昔侍宸在汴京居宮觀見為黃冠者多詭事權只以自衛愚之故多不得其說其狂痴既老而得其傳者則新高子羽授之臨江徐次率以次至金溪聶天錫其後得其傳

而最顯者曰臨川譚悟真云人不敢稱其名但謂之譚五雷內附後譚君猶在浮沉人間隱顯莫測廬陵有羅虛舟者故宋時名士澗谷先生之諸孫也得五雷之傳甚有符契然譚君誦侍宸之戒曰每傳不過一二人若唐泄之則速死是以羅之弟子雖多而自以為得之者惟蕭主簿兩軒其後則有周司令立禮兩人而已周與予有姻聯然終日言之未嘗及此蕭君清文雅李中樞憂患然甚通至理泊然無所累其心予敬愛之而亦未嘗言及之也周之說惟授之其子游其門者或得或不得予不知也蕭君儒者擇人至謹而人亦不知其有此道獨傳之道玄胡君一人而已神異之事已見於前其客於予者頂分三髻一劍自隨綠衣短裙危坐終日風雪極寒之夜燈火不繼而溫煦滿室目神炯然神觀洞徹縱橫自在物外無拘而剛介不可犯也此亦真修仙者乎有侍宸手書詩一首蓋譚羅相傳之符契

也且曰吾將隱矣當求人而付之必也戒行若冰霜立志如鉄  
石曾次如水月氣象如陽春又雖生尊貴之家而世有陰德享  
乎清靜之門而身有福力者則以授之果爾其亦難得也哉雍  
虞集記

園學子古錄卷之二十五

道園學古錄卷之二十六

應制錄六

供醮文

雍虞集 伯生

水陸會功德山

我國家

聖二相承深仁厚澤浹於人心累洽重熙多歷年所  
今上皇帝濟哲文明纂承大業好生之德已洋溢於萬方恭  
己之誠思貫通乎上下海涵春育無間幽明兩順風調大同  
遠迹聖恩盛大茂以加矣而萬幾之密猶垂念於隱微  
九有之師或未該乎冥邈勝脩法會式究淵衷乃脩水陸冥  
陽大齋于萬壽寺自二月一日啓建七日滿散乘法寶之威  
光成金心之願力播香華種二妙饌齋儀梵唄一一圓成  
凡我佛子昔自多生歷酬定業或以刀兵水火或以疾難飢



荒沉迷五濁之惡途未返一真之本性遇良因於今日得勝  
妙之現前消穢並獲於清源苦惱悉超於極樂來生佛土祇  
奉明時回向善提增崇

聖壽臣等廼稽首而作偈曰

聖上運大慈憫諸有情等作此大勝會供養佛法僧勇識妙  
蓮華諸大阿羅漢畢支迦五明金剛大威德護法諸龍天九  
在虛空界敬禮等無一開闢諸方隅光明悉照耀迺至諸明  
哲往昔善持世四生及六道凡在苦趣者悉皆承佛力來赴  
於道場心花得發明諸識轉為智一切現苦業消滅無復續  
魏二大功德皆由 聖心起我聞昔有人積寶如須彌持施  
得福多恒河沙難喻我皇勝妙因福報不思議視彼施寶者  
千萬不及一我等佛子眾各生慚愧感稽首贊吾  
皇聖壽千萬歲與佛共悠久

水陸會緣起文

原夫一靈圓妙本不昧於昏迷歷劫無明遂有淪於流轉我  
佛興大憫念開方便門警彼宵征遠道冥行荆棘之林我以  
慧炬照之則前進無殊於白晝又如往濟大川忽遇風禱之  
險我以慈航渡之則安行無異於陸途施平等於無方悉  
揀 嗟幽沉之有苦尤切哀矜於是目連感定業而生悲觀  
音化面燃而啓教十方諸佛共弘應供之名六道四生亦攝  
善提之海大士仰承於佛勅道場肇建於當年孤峯接雲海  
之空明白日映江潭之澄澈神靈交會凡聖混融分八位上  
下之殊作萬劫圓通之施傳流既久證驗尤多我  
今上皇帝與佛同心如天之覆念生成之類已在於鈞陶而  
冥邈之蹤尚迷於出沒廼鑒入天之意大脩水陸之儀爰命  
國師俾提法要廼以三月一日於大都萬壽寺脩建水陸無

渡法會七晝夜上資善逝之恩先下拯孤奄之陰昧香積普  
熏於世界盡斷惡緣妙蓮應現於池中悉離苦網咸來佛會  
共休 帝恩道達極樂之鄉不墜輪廻之境共報 聖明君  
乃說偈以贊曰

一切衆生皆具佛性如摩尼珠五色隨映如何累劫業識相  
因無明展轉生死根塵我佛慈悲施方便力如大醫王救彼  
痼疾餓者令飽渴者與漿幽闇與明熱惱與涼况爾六道諸  
苦隨業不藉佛恩何由自樂 聖皇在上運大仁心樹旃慧  
幢立功德林作此道場期七晝夜平等無碍均一高下光明  
圓滿如佛現前孤幽沉竟懽喜慶筵如是勝因增崇聖壽億  
千萬年堅固悠久

建國醮建壇青詞

荷天洪休膺國大統肇惟元祀奉若明經殊庭修秘祝之嚴  
肅拜候景光之集伏願環紫壇之納陛闢黃道於叢霄天極  
旋樞日星炳曜后祇薦祉川岳闡珎用期泰定之民均被豐  
成之賜

朝詞

聖祚在躬肇啓乾元之歲道官修禮丕昭答貺之誠禱以  
三鑿茲精一伏願乾元統御坤道順承時對春陽導本支之  
宅達紀增神策保宗社之尊安遂以生成均陶動植

三清

荷天地之洪休晉承繼序奉祖宗之成憲思究彌綸期敬達  
於丹誠惟謹資於文教肅將蠲潔用極依歸伏願慶衍中朝  
仁儲大本休明佑啓百神受我以安寧福祚延洪萬世奉天  
而長乂

昊天

入膺不緒有命自天載省眇躬無疆惟恤啓淵衷之至實感  
真貺於大虛伏念比屬盛時俄慨堅冰之辯永懷讓德不忘  
曠日之初心迺正誼以廓清期與民而寧一用發憂兢之慮  
悉紓對越之恭伏願乾御陽剛坤成地道祖宗陟降同保佑  
於高明家國治平丕顯承寧於慈父

右士

集基命於眇冲始建初元之紀覽幅員之廣衷益思大業之  
興祇若寶圖誕敷金錄伏願玄功有造至德無爲道致謹於  
順承協成泰定物資生於厚載保合乾剛

醮星祝文

太陽

赫二太陽秉陽之精照臨天下運我皇明克循克軌永底隆平  
大歲

翼二倉龍集于翼維紀綱百神運行四時相我君道壽我

歲后

於赫歲陽配于陰宮承于大君內治之宗以生以成登我歲功

金星

奕二長庚煌二啓明主我兵事宜順其經弗僭弗忒邦家以寧

太陰

明二太陰配陽麗天主國之刑勿忒其躔以順以寧于以求年

室宿

惟乾之維是爲營室炳耀定中景命有翊廣開天門相我無

天剛

龍角在田帝車所持聖人之生次舍在斯攝提殺星萬壽是基

病符

歲德所紀主病有符視其棖祥傍射在隅於赫景命靈其祚除

大耗

歲有孺神耗之大者集于乾隅衝照辰舍乃謹祿除勿害純撮

煌一鎮星位下中宮行地無疆承天之功用集嘉福懿範是崇

小吉

鶉首之舍月后所臨東井洋二景耀昭森扶我元懿萬福來歆

喪門

左挾丁符右接坤隅孰敢啓門當我吉居祈祿不祥以寧皇輿

金星

太白之精其神孔武憶我南西孰執孰禦宜歛其勿間多祐

九月十四日高昌王大夫人傳

旨作醮星文

元辰天罡

於惟聖皇受命于天斗車提綱龍見天日萬歲公振羨威信是  
宣以介景福樂只萬年

羅喉

赫一有威惟天之首日月之行交道曠是部煇兮照臨景命先  
復克相有道天子萬壽

室宿

癸二營室天之玄宮以藏以息肅一雖二乃瞻元台惟茲日之  
從錫福未央如定方中

小吉元辰

仿南以西爰即于坤東井洋二有濶其源肅一中宮景命在  
垣元吉之福既昌以蕃

太陽

赫二太陽日躋于乾順德維坤承暉弗忽昭光播和若春在

暄萬福來臨與天齊年

參宿

載瞻參墟明星煌二乃占其書孝謹忠良肅二中宮景命溥  
將僊于聖明既壽永昌

大元元辰

有嚴太衝維震之宮青陽載熙木德乃通時維聖子景命是  
逢導之太和被之仁風

太陽

日之行天至尊以光誰其承之維青之陽輝二煌二繼照四  
方星輝月輪永保無疆

斗宿

斗為天機日月耀芒酌量政事褒進賢良於維聖子元台是  
當錫福自天欣二樂康

太陽

東望扶桑赫乎九芒下被萬物麗天為章東實西儀靡朝敢  
忘錫我景福於昭輝煌

太白

肅將金行司天之刑順軌出入厥有常經掠於軒轅占者以  
告敬恭用祭景福來報

軒轅

祭二軒轅黃龍之體属于內廷占者所紀長庚來于非順之  
軌載祭載讓轉作多祉

太陰

占象于坎受陽以光配於大明流輝四方天清地寧軌道有  
常介我景福萬壽無疆

太歲

歲維昭陽辰在協洽神君所臨萬靈來合皇二景祚奉德秉  
法我將我享嘉祐斯答

白虎

於蒐耽二為允之神為素為刑莫之敢嬰迎祭于西為禮孔  
殷神其食之介福來臻

大耗

滿庭之過神則害号從而虛之孰可賴号占歲之行厥有恒  
所尚易其膏豐我多報

迎神

肅二靈臺二光下臨旨酒牲牢嘉幣言金肅將祀事罔敢不  
欽赫二洋一神其來歆

送神

靈臺有享神具來格其祥如雲其近如日嘉禮告成景贖秩

秩相我寶祚於萬千億

醮星祝文

迎神

肅二清臺曆象是司維天有神維土有祗爰潔牲幣以禱以  
祈歲祀奉迎靈其鑒之

太陽

出乎賜谷升乎搏桑麗于中天照臨下方愛而煥煦畏而蒼  
涼威眈有禱降福穰二

太歲

煌二明堂歲君攸居位于鶉首殿乎坤闈東井洋洋土德之  
基錫我嘉福順我禱祈

歲后

歲德至尊歲后配之黃裳元吉象服是宜理其內教以佐無

為沁園有禱卻除病留

勝光

陰之始生實自於午於卦為姤柔順斯主皇有懿威元辰麗焉是用禱祠惠我安痊

土星

中黃正炁維土之神二氣上騰煌二向晨元辰有宮其光來燭鑒于戚即悉茲多福

婁宿

維主之生誕彌其月遡其元胎在魁之揭其宿維菱光耀燁燁除我疾疢安康毋越

病符

六氣不齊庶疾乃生維其司之有神孔明執其靈符以佐歲行禱以嘉薦惠我安寧

金神

五行之中金主肅殺有神孔威司是嚴伐歲行遇之伊怒孰過享我忱禱毋敢凌越

災殺

診氣所生日能致災以殺為名不亦暴哉和以嘉醑柔以嘉脯順而好生永錫多祜

喪門

白馬素車人寔忌之孰啓其門有神蒞之上帝好生爾獨何為攝而憐心安我威闡

五鬼

五氣之歸其名為鬼絀而弗伸有繁厥類載以酒漿道以車船既享而除勿為禍愆

青龍

星有角尾其象維龍蛇二 蜺二 東方之宮木德司春為善為  
仁永錫嘉祥百祿是臻

白虎

昂畢之上其象維虎有楛其武在西之訔金德是司為義為  
刑尚斂其威美疾用寧

送神

陽主于德陰主于刑刑斂德揚陰降在庭既享既歆以安以  
順神還應遲福以時進

照星祝文

迎神

欽若昊天觀象知微爰即靈臺秩祀惟謹大庖既享大尊既  
盈神其格思來享克誠

太陽

東望扶桑赫曦來升群陰既伏萬國咸承朝賔賜公彝禮斯  
在齋宮告誠綏祿萬載

大歲

煌二歲君臨於端門有烜朱方歲德攸存當離之明如日斯  
赫降爾嘉祥以輔有德

天罡

蒼龍之墟左為天田神蛟應龍景命所躔斗為帝車惟剛是  
指相我有道來錫繁祉

小吉

維鷄之首土德是毓是為吉神厚德嘉福宮虛嚴二景命所  
臨徽柔懿恭式薦其欽

功曹

寅為人統其方析津肅二青宮盛德惟仁煜二箕尾保我景



命克長克安以輔明聖

歲星

盛德至仁所主為歲長養生成福祿攸系煌二景光臨照有方一人以寧萬國弼昌

羅喉

明離有神維南是司承其餘光劔戟孔威其威孔揚其福亦厚來降來享作我嘉祐

太陽

明兩作離繼照四方赫其有輝照我青陽青陽有煒百福來委俾熾俾昌以承天子

太衝

木德之盛次於震方至仁應規以佐青陽迺錫嘉福以暢元氣帝后萬年本支百世

太白

長庚之精司兵司刑燁二其輝輔日而行欽尔光芒順尔軌度以安以寧佐我昌祚

熒惑

赫二炎二揚光於天孰當其鋒奮烈莫前維國有道宜順軌則順行為福以相有德

歲后

黃裳元吉以順為則佐於歲君豐阜民物靈臺有祠敬恭禱祈陰陽理和百福是宜

青龍

東方蒼龍至仁至靈角尾之間赫乎明庭青旂蒼玉禮祠維肅蟻二蛭二來降景福

白虎

允爲白虎至雉至武其德爲金威怒孰禦白旂素車象德以  
旂風其從之百祿是宜

送神

成象於天降靈於地國有令儀克致禱祀禱祀敬恭神歸匪  
遲天子萬年福履綏之

金錄普天大醮青詞

建齋詞

績述丕圖恪奉祖宗之訓導迎景貺永綏家國之基異輯  
福于眇躬暨息苗于中壺垂象每懷於示儆祈年尤切於好  
生伏願慶衍宸闈祚隆繼嗣乾和保合三光全而寒暑平坤  
厚順寧五穀熟而民人育

祈嗣密表

祗荷鴻休肆膺神器念

祖宗之付托思民社之依歸重惟

繼嗣之隆實繫本根之固敢嚴秘祝用格高穹伏願錫祚慶  
圖申受上天之貺儲祥寶系益崇萬世之基

皇后保安密表

寅奉上穹申言中壺克相憂勤之念每嬰疾疫之虞冀道嘉  
祥用綏福履伏願高晨鑒格正氣宣通天清地寧保大和而  
合德家齊國治均厚福以資生

建壇詞

奉丕基以臨萬國于今有年類上帝而徧群神肇修秘祝仰  
輯薄天之慶俯將率土之誠紫壇森列於人文丹闕昭回於  
象緯伏願天垂甘露地發醴泉靈風受職以周旋道氣成章  
而密達永符至順字佑 皇元

第一日旦朝祭皇天后土三界萬靈上資宗祧先  
聖凝神冲漠垂祐邦家祝延睿筭保固丕圖中圖

齊年本支繫術

月律應時卦極正陽之盛天根開景氣升清旦之初通變闔  
於雷風妙流行於山澤均承主宰成赴禱祈伏願  
聖祖神宗陟降洋洋二而在上皇天后土卑高秩二以分儀迺  
發禎符用隆寶曆延齡維永尚期懿德之同錫羨有輝更應  
多男之祝

午朝祭日月星宿祈日月齊明星辰順度

離為日坎為月暗陰陽交易之機天應星地應潮祭上下盈  
虛之候儼宸居之伊迺望景景之方中敷宣榮笈之文乾步  
琅霄之境伏願赫曦繼照煌二旁燭於萬方素曜並明肅二  
順行於九道帝車臨制四序一雲漢為章五緯成若副此  
乾乾之兢惕錫子郁二之嘉祥

晚朝祭五嶽名山祈社稷尊安宗藩輯睦風俗醇

厚百辟忠貞

觀符瑞而告功升中斯在出雲雨而及物望秩攸崇嚴二民  
庶之具瞻肅二天真之下治即秘祠而用幣及初夕以飛章  
伏願方嶽奠封靈祇受職宗藩輯睦永綏磐石之安風俗清  
淳長被喬雲之覆

第二日早朝祭聖帝明王先農后稷消穰水旱蟲蝗祈五穀豐稔民物阜康

繼天立極曾惟上帝之聖神開物導民實贊無為之化育道  
秉機緘之秘教興衣食之餘功叙九歌業隆萬世藉白茅而  
明薦望素履於虛皇伏願無聲無臭以作孚鑒此小心之昭  
事不識不知而順則密符大德之好生民風馴致於雍熙國  
祚誕膺於長乂

午朝祭風雲雷雨祈風調雨順寒暑應時

鼓以雷靈潤以風雨弥綸功用之神求諸形體原詭性情主  
宰玄元之造觀萬物散殊之迹知兩間旁薄之仁無爲而成  
有相之道日麗端門之景雲開祕笈之科伏願天德潛符歲  
功咸遂九農百穀無旱乾水溢之虞四海群生享安靜和平  
之福庶釋憂於宵旰用和惠於春秋

晚朝祭四海四瀆祈山川定位海宇清寧

一元合氣乘風澤於洞虛百谷來王出淵泉於溥博首五行  
而美利潤萬物以資生貨殖用興舟楫以濟稽古玄圭之錫  
沈茲蒼璧之章伏願地平天成府修事治玉書保運制衝瀆  
之洪波寶穡宜年動滿盈之甘澤民安居於樂土國養德於  
長源漸被所同旁薄無外

第三日早朝祭三洞四輔經錄傳教宗師祈百神  
效職臣鄰忠孝國祚延長

天元結氣冥思浩劫之初妙有垂空初徹延康之上參贊化  
工於物始傳源神寶於人間保昌運以長在握真符而不宰  
稱輯簡穰之福茂陳敷落之篇伏願乾坤開天坤瓊闡地種  
氏在宥賜言清靜之風景命溥將相協玄同之造忠言彙進  
道德弥光

午朝祭左社右稷城隍社令祀典神祇祈氏樂太  
平物無疵癘兵寢刑措疫厲潛銷

泰村之土五色重嘉穀之麥豐方澤之樂八成致幽祇之畢  
出帝命作九圍之式神靈會萬國之封力扶玉乃之安寅奉  
璇霄之降伏願泰階昭晰坤道順寧物阜民康無疵癘札瘥  
之害兵寢刑措皆生聚教養之時以至永年並依玄造

晚朝祭九壘七皇幽陰主宰皆度忠臣義士兵死  
橫亡六道四生俱登道岸

禮樂鬼神信顯幽之。攸生成變化知闔闢之無私即昭明  
君蒿之間布風雨霜露之教。二光彼燭九夜所煌伏願帝命  
平招天陽來復。上極屏中禮余忠義之魂瓊簡羽章起啟幽  
沈之趣羣類並躋於道岸泰和無協於明時

散壇

五時列祠燁二紫壇之燧火九宮飛步維碧空之空歌備  
成終節之朝敷散瑤華之景方科有誠至敬無文伏願陞降  
在茲達玄黃之玉氣福祿來下生丹碧之芝英普與群生泰  
承嘉惠

設醮詞

三清

奉承寶位對太上之顯光保佑躬躬擊淵莫而神禱肅清  
館修設金科伏願元氣絪縕具風舒凶室家作胤膺福壽以

咸宜宗社臣民荷禎祥而均慶

玉帝

維天與祖宗既全界付自身而家國悉有禱祈爰啓真科用  
千洪造伏願鑒觀做懣字佑眇冲保和宮靈之安錫羨本支  
之盛至于臣庶共樂生成

星主

星環次舍仰瞻天極之尊氣幹陰陽妙宰帝車之運景光來  
下祕祝用陳伏願司命紫微自中宮而錫福儲祥寶系率下  
土以蒙休

天皇

坤拱神圖妙秉萬幾之會坐臨華蓋旁分六甲之司歲祀殊  
庭承禧穹宇伏願抱極樞而環照皆占至順之祥奉天一以  
尊居增授泰元之英

后土

奉若柔祗配皇天而立極統臨廣寓宅吉土以升中為國有  
祈維靈斯答伏願群生成遂九有奠安玄乙親祠綏保徽音  
之嗣黃流用裸燕貽翼子之謀

至順二年十二月二十三日祭星常國公奉

旨命撰祝文

迎神

灝二圓穹三光昭明四方八維柔祗利貞蜡通百禩歲事告  
成犧尊多儀來享克誠

天剛

天眷萬方篤生聖明受命溥將攝提建貞天田之上左角所  
經蒼龍致福萬歲咸寧

羅睺

受天明命百靈翊扶旁燭有光赤熛之餘首乎天經形隱弗  
舒戢爾矛戟迎祥帝居

室宿

河有天添木貴天根帝命降祉元台為尊定之方中煌煌燁  
淳推而祀之萬福之門

弔客

昊天成命如日斯照運行推移載占其小有客冠素道據隅  
兆祝而後之易號以突

小吉

乾以天健坤以地厚鶉首之墟土德孔阜肅肅中宮元命昭  
祐六五黃裳元吉之繇

太陽

日以像君月以像后陰承陽輝萬福備有晨光燿融晝景燠

明以壽以安以生以成

參宿

參墟耀靈土德長生台息其和發為滋榮正位居體西南利  
貞培本長源萬福來成

金神

中宮土德位南之西太白流英挾威以躋雄毅肅嚴戈鉞利  
犀尚革而從降福孔皆

太衝

煜煜青陽震雷之門玉兔肖類蒼龍儲恩帝胄天錫景命翊  
元東望孔祠扶桑載職

太陽

肅肅紫微前星有輝上承天光仰接日儀煦煦為春明明在  
時陽德粹純口即初咸熙

斗宿

星回于紀斗臨漢潢璧合珠聯三辰齊光震夙元合肇此青  
陽司中有神源深流長

白虎

木性東榮金行允勝刑德之交史謹其徵於菟眈眈負隅若  
闔率義從仁祈報斯稱

病符

六氣之邪孰執其契歲行神從臨午之位青陽占運道與之  
值祝以移精安和允濟

太陽

靈臺有祀報本主日仰瞻陽光步我神履歲周星回天序有  
秩牲幣敬共嘉惠申錫

太歲

日月次周成我歲功百神具來群蜡畢通明堂嚴嚴盛德容  
容享我報祈以興嗣豐

青龍

龍有天德維木之仁大明生東獻歲發春時而潛潛時而奮  
申施惠自天至于庶民

歲后

赫若歲陽其配在陰以肅內治以保中臨丁女癸妃其從如  
林通幽達微鑒德以敬

送神

神來如雲神惠如雨彌天映日惠澤周普歲行維新秩祀咸  
與相于皇明永作神主

黃籙溥天大醮清詞

建壇詞

歷念先朝悵神游之日遠言修祕祝道靈氣之時升闕玄景  
以通誠建紫壇而經始伏願懸珠空境扶玉方輿風馬雲車  
順陰陽而降龍章鳳象舉幽顯以鈞陶

第一朝回薦皇朝宗廟

列聖神儀

肅肅在廟永懷弓劍之遺濯濯歆靈恒若愛壻之見爰資神  
筴用導英儀伏願 列聖齊臨萬真環拱寅寅出日返往駕  
於中天妙合迴風發化機於厚地

第二朝回薦

扎牙篤皇帝

企仰山陵想音容而永慕願瞻霜露感時序以增哀爰即紫  
壇奠迺玄馭伏願天健其行而無息日窮于次而又新神氣  
昭明式慰臣民之望景光旋復更貽胤祚之安



第二朝田薦皇親國戚一切震儀

藩屏國家實屬本支之盛沈淪泉壤每傷幽顯之殊湖璇宇  
之流光迴銀潢之逝水伏願會陵絳闕受煉朱陵  
星辰還復生民之始  
永承丕祚之隆

第四朝回薦后妃公主嬪御靈儀

禱禴在御歷思儼極之尊車服充庭備念穠華之盛慨生存  
之弗永致薦悼以惟勤伏願施德自天資生躋地性靈不昧  
溘然幽滯之懷運祚無疆仍會聖明之樂

第五朝普薦為勳臣宰輔文武官僚

追懷神聖脩薦於曾霄爰念臣鄰  
於厚壤俾此日膺  
於金籙庶仍從於瓊輿伏願受日之光承天之佑圭璋濟之  
眦王國以並生明典昭之秉民彞而不昧

第六朝普度兵刑橫死男女眾鬼

內修外攘寧免兵刑之用上征下暴更深泉壤之悲拯無告  
於重陰寔有資於大造伏願天光旁燭地氣昭升斷者續死  
者生頓釋幽閑之故想病者愈憂者樂亦為化國之新民

第七朝普度普天率土兆姓群生苦爽窮魂幽靈  
等眾

國家每念於生靈則脩治道體魄或淪於苦趣更轉化機啓  
勝會於今晨廓迷塗之宿業伏願陽開陰闔天地生執錄  
把符仰至真而得度葆和正性囿大化以長年

第八朝專為和安天地調順陰陽保國寧家康民  
阜物

存順沒寧極幽明而無憾往禪來續妙化育於不窮宣金籙  
之玄文保籙圖之景凜伏願乾坤毓德日月垂光列聖在天  
共敷恩於祚胤一人有慶永錫福於臣民

第九朝昭謝皇天后土岳瀆山川陰陽主宰

天佑邦家惣基圖於九有日臨海宇妙樞紐於群生仰三景之高居罄一忱而昭謝伏願降年有永錫福無疆凡在臣鄰咸保忠貞之節庶幾民物常依道德之光

解壇詞

肅肅紫壇既備九朝之禮煌煌金籙益增列聖之光熙事告成誠心孚格伏願神隨天運福被坤輿瑞日祥雲常覆曾霄之景太山磐石永隆禹世之基

設醮詞

三清

天眷基圖列聖繼守成之緒時因曆數先皇成默代之期敢緣追遠之初心普致闡幽之忱禱伏願開明三景敷落五文九轉成真既備生神之妙百靈交感復還家帝之仍錫壽

祺并祈康阜

玉帝

昔扣玄穹導近親之神識端臨素樞致大寶於嗣君乃陳祕籙之科溥濟幽關之趣伏願昭宣天德旋復氣機陟降帝傍九族道遂於金闕經綸宇內群生成遂於懸圖申錫長年永依妙道

后土

基圖鞏固每資厚載之功體魄歸藏謹候昭升之氣降璇宮而來享鑒金籙之敷宣伏願效法成能資生有道如神太極齊日月於中天合景至陽緝子孫於下地

東極

先皇默代因軫念於幽局上帝好生爰禱祈於東極冀瑞光之遠逮引群識以俱超伏願甘露林慈雲就日丹寶蓋

並從妙道以高居玉曆金符求鎮生民之極樂

風伯祝文

東朝有命祇肅元壇上帝鑒臨萬靈率職咨爾風伯塵路惟清戢暴扇和熙事用成急急如律令

雨師祝文

咨爾雨師灑道是司和陽散陰相成祝釐

皇后修設黃籙大齋齋意

言念宗親將薦誠於既遠遽罹大故屬在疚之方深肆嗣皇繼序之新甲前日額天之寶普超幽爽咸濟生靈伏願道妙無方真游如在升九霄之神氣衍億載之昌圖凡圃化工並承德施

正薦位白文

言念先朝 列聖帝室懿親蚤遺體魄於人間思導神明於

天上鼎湖弓墮俄興臣妾之悲丹闕禮成既得基圖之托及燕休於長樂申祈禱於太清愴然霜露之寒恍若風雲之會龍儀虎衛陽光照灼於朱陵具闕珠宮明水激揚於東井願金支之並濯與玉氣以俱升穆穆乎秉德以肅雍洋洋乎在帝之左右輯和九族驩娛還若於生存旋歷曾霄感爽頓忘於凝滯返至真而無外與造化以為徒况王政施仁必先無告而大鈞播物何間有生更推滄海之餘波徧及幽閔之苦趣妙機所運道化同超明則復為人亦我聖神之賜歛而錫之福展乎寬大之恩嘉與明時共躋壽域惟天地日月合德合明保子孫黎民能安能以

孤魂榜

生死者晝夜之常汝勿認昭昭靈靈之識坎離者乾坤之用吾以開生生化化之基茲者清朝稟承慈極尊尊而思逮於

九下親親而念及於幽遐導揚 列聖之法筵普惠重泉之  
苦趣如茲良會實號希逢汝孤鬼等昔受天地之降衷其初  
皆善各累形氣而逐物以妄為常貪者徇財烈者徇名忿則  
如山慾則如澤極沈淪而愈降恣飄蕩以忘歸因根接塵隨  
境生解為寒冰為湯火皆其一念之差為鬼域為豺狼遂入  
萬殊之變原其名數何可歷陳我是以廣太上之好生推妙  
嚴之濟眾酌黃華於東井蕩尔形骸耀丹冶於南宮陶其灵  
質宿業不存於故想化機更造於新成不瀟不焦尔可以見  
本真之不昧能流能焰爾可以驗道氣之常行承茲三景之  
開明即詣諸天而受度更無退轉並樂超升

正三門

華蓋北瞻天帝座蓬萊東擁道家山

啓玄殿

只尺天光開玉府萬重道氣見金容

正薦位

雙鳳駕雲開輦路群龍環日護天香

摠真殿

春當霄漢二台貴朝步星辰四輔尊

萬法宗壇門

綠章封奏通三景絳節趨朝引萬神

殿後西門

玉殿受釐春意滿竹宮拜祝景星明

北斗殿

慶雲郁穆承天闕景緯昭回共斗樞

殿後東門

仙立日縹緲鸞凰合神衛森嚴虎豹間

景曜殿

三光合景扶元氣五緯齊明報德星

寥陽殿

五文結篆間天極九氣生神象帝先

朱陵府

九華曲蓋迎司命七寶芳林上好生

齋廚

金鼎蟠龍甘露溢玉芝成象大庖盈

齋堂

報聞千歲蟠桃熟約取九霄飛佩來

焚郭

莫就此間存活計便教向上得光明

祭風伯文

維風有神在巽之位地附天而不墜持舉於中陽旋陰而時  
行扶搖直上今則至尊有禱上帝來臨伏願宣靈氣於八門  
穹祗翕合卻飛塵於九地宇宙廓清

祭兩師文

恭承帝命祗祀兩師出雲氣於山川彌綸瓊闕灌天章於河  
漢飛洒玉都今則肇起玄壇導迎法駕伏願六龍調馭順和  
協於陰陽萬物潤滋肅澄清於天地

長春宮祈福保安齋意

上天眷佑長貽宗社之隆至道冲盈式衍邦家之福屬偶嬰  
於疾疢爰謹事於禱祈伏願聖鑒昭回祥光旁燭身逢康泰  
暨中壺以平安運協壽昌與多方而寧謐

青詞

治平之運仰荷洪庥疾疢之生敢忘忱禱爰命羽衣之士敬

敷寶笈之科伏願五帝儲華二光協德身康疆而逢吉有永  
壽祺國清淨以無為均蒙福惠

崇真宮祈福保安齋意

丕承付託仰資天地之和祇有啓居偶感陰陽之沴喜端臻  
於康復爰謹致於禱祈伏願輯福上躬錫禧中壺前星炳煥  
協家國之尊安景貺熙明及臣民而定壹神明垂祐丕顯隆  
平福履愆和偶嬰疾疢敬祠琳宇備歲琅科伏願景貺來臻  
壽祺永錫康強逢吉承宗社之安化育成功長乾坤之造

祭海神文

潮失故道犯我鹽官有司捍防民力既殫閱歷歲時靡清茲  
害浙郡多下恐就淪敗民實何辜不德在予相臣來言交修  
用孚乃勅中外悉智展力相爾有臣亦克受職我土既固民  
生底安六府治修報祀萬年

祭伍子胥文

爾以忠殞主潮于吳潮今歲災吳其沼乎爾其揚靈具訓海  
若俾安其常毋作民虐既止既安民遂有生爾亦明神永有  
令名

大龍翔集慶寺正殿小上梁文

伏以龍光有赫象教方興式嚴前殿之崇祇奉祇園之勝上  
棟下宇方締構於良工細猶大業並具材於貞幹成規斯在  
願力維弘伏願天相聖心佛加神運百重闌楯移來天  
慈雲萬歲山河永鎮人間之福地

吾殿小上梁文

兜率化宮移來地上梵天新刹示現人間坐延衆佛之臨殿  
有四阿之制鉤心闔角先崇締構之宜審面飭材已具經營  
之素式觀地架儼若天成伏願龍象翺扶鳳皇翔繞丹青金

碧赫然佛日之輝黼黻文章永著 皇風之盛

六龍翔集慶寺正殿上梁文

伏以虎踞龍蟠即淵潛之佳地雲興霧湧建梵釋之新宮巍  
巍中正之居赫赫大雄之座欽惟 欽天統聖至德誠功大  
文孝皇帝惟天為大如日之升經綸既正於供規崇信不忘  
於願力美矣善矣大成舜帝之節韶經之營之匪為文王之  
臺沼我佛有護國救民之助 吾皇示報功崇德之心黃金  
滿布於祗園華構上移於兜率式崇大殿爰舉脩梁相我工  
人陳茲善頌

拋梁東

日上扶桑散曙紅鹿苑珠璣涵曉露鐘山  
草木動春風

拋梁西

石城突兀護江堤舊遊曾見群龍舞望幸  
猶聞六馬嘶

拋梁南

蒼龍曾此卧江潭風雲會合千峯一山谷  
傳呼萬歲三

拋梁北

瞻望帝星臨萬國山川誰為地東南形勢  
只知天咫尺

拋梁上

白玉毫光千萬丈 吾皇還似覺皇尊龍  
象入天皆拱向

拋梁下

亦有憚懔千萬厦彌天法雨本無私滿月  
明珠寧有價

伏願上梁之後

皇基鞏固紺宇尊高紀億萬年共祝  
聖神之壽遍大千界同沾殊妙之恩萬歲萬歲萬萬歲

吾殿上梁文

伏以浴日九淵現禎符於鐘阜承天八柱建名利於治城爰  
開方廣之筵用祝周阿之殿欽惟

欽天統聖至德誠功大文孝皇帝清明有鑠故舊不遺鷺起  
新河萬斛綵舟之容與鳳歸天闕七重寶樹之檀藥九轍跡  
之所臨宜珠先之共護脩梁肇舉善頌斯陳

拋梁東 萬丈紅光接寶宮古佛昔來龍繞座高僧  
時謁錫飛空

拋梁西 長安日近碧雲齊但依具闕瞻龍象即是  
鸞輿慰耄倪

拋梁南 千年王氣現優曇浴龍池水皆功德擁日  
山峯盡翠嵐

拋梁北 上意每憐江樹碧紺宮留鎮國南門幸蓋  
瞻依天北極

拋梁上 紫蓋紅雲春蕩漾舉頭見日庶民心思佛  
思君同一想

拋梁下 慈雲思雨均沾灑二年以云萬斯年長樂  
昇平承福嘏

伏願上梁之後 皇風遠播佛日同輝四字八荒揔被覺慈  
之化億靈萬載永歌帝力之加萬歲萬歲萬萬歲

道園學古錄卷之二十六



退園學古錄卷之二十一

歸田藁一

雍 虞 集 伯生

賦

東臯賦為趙德莊作

出東郭以騁望得逶迤之方臯窈窕脩筠之舍盤桓嘉樹之  
 高秀野綠縹長渠翠濤界畦曠以分畫列藩籬乎周遭汎崇  
 蘭於舊畹薦幽澗之新毛禽魚樂兮天光雲影之動蕩虎豹  
 蔚兮山輝川媚之薰陶結幽居以靜好不窺園以為邀或視  
 明星而弋鴈或饗朋酒而包羔其有棄敝履於軒冕託遺響  
 於歌騷者乎吁嗟惟麟黍稷在畿眇故封兮江海悵王孫兮  
 不歸載耘載耔載裳載衣忽十世其將遠挺三君而奮飛奉  
 賢書以造廷並榮名於常旂鸞翔鳳翔赫其有輝值炎精之  
 既淪遽斂翮於熹微於穆季侯知德者稀中田有廬兮種瓜

北山無蹊兮宋薇悄悄隱憂兮顧懷懇懇蓄畚兮疇依慨膚  
士之不億懼俯仰之多違侃侃廣文特起無儔內有明賢之  
助外嬰憂患之酬一親高年一身百謀煦煦陽春英英涼秋  
屢專席於名郡常曳裾於諸侯觴詠不間於絲竹旨甘頻及  
於交游積累之勤百福是適婉婉子孫食德不渝嗟予少時  
迎于名門揮弦飛鴻登綸游鯤老至不知車懸身存夕草載  
露黯然銷魂訊故老於岑隅索履跡於崖根秀娟娟兮既長  
鬱蒼蒼兮彌尊孰辟世於醉鄉樂舒嘯於丘園晨光粲其盈  
庭鶴鳴聞于九天黍稌既豐華實載繁俎豆衣冠古而又文  
東臯之人其昔之桃源也邪

芝亭永言

古詩四言

環洲詩爲蔡天壁作

溪有清流環我中洲襟華鮮明芳草和柔詠有文君鳴有睢  
鳩采采遊女侃侃良疇載泳載游在我中江遡遡無端沿沿  
無止既采蘋藻亦有蘭芷觀彼嘉魚一日千里彼賦彼畝皆  
爲方田分合雍立我流壁旋星迴于天雲媚于川君子樂豈  
眉壽永年言命輕舟言載百壺駕我乘黃履我雙鳧沉沉彭  
蠡至于匡廬詠歌以歸清風載途

冰雪相看亭

趙君有道之先故宋南渡時自東都徙分宜三百年于  
茲矣其大父登進士第仕至文林郎湖北憲司幹辦公  
事其父兩舉江西轉運司進士覃恩受官宋亡不復仕  
城東故地美竹萬箇作亭其間而隱焉名之曰冰雪相  
看信國公之子平遠宣慰之所題也有道信厚敦愿衣  
冠容氣翩翩然有王孫公子之遺風敏稼穡以服徵賦

謹詩禮以保族姓無外驚無妄求弗變其父之志以老  
其身以長其子孫是以士君子稱焉夫元亨利貞之爲  
德猶春夏冬秋以爲時也君子觀乎運序以自處則合  
於時措之宜而不過焉方其以振振麟趾之賢處富貴  
之極則大亨春夏之時也自其來南族蕃以父非秋之  
利乎其在有道爲冬之貞無疑矣冰至堅而不折雪至  
潔而不汙凜然相者不接於他物誠得處貞之道也予  
聞而善之故爲之賦詩焉

挺挺直筠琴岡之陰豈無春陽匪今斯今高宜於天下蟠地  
深不易其節侃侃素心豈無膚敏曰駒駸駸我獨考槃樂乎  
幽林堅冰在淵積雪在岑獨往不迴悠然行吟采采紫芝園  
綺是尋遠求陶生撫我素琴邈乎古人副我夙欽

竹林七賢圖

瞻彼脩竹下臨清流文石偃隄華松蔭丘植表界壤翦茅宅  
幽梁度高巘臺隱中洲方床讀書異宮同休詠歌相聞觴豆  
相求或時名藥或釣游脩課藝至嘉枯坐思遠游濯纓微波看  
雲良疇逸而不放儼而自脩泰哉沮溺邈乎巢由按圖以觀  
求宜春秋孰若五君遺其故儔糟粕塵世高踪莊周我懷古  
人邈而違憂安得揮弦以招湛浮

竹溪六逸圖

悠悠逝川矯矯逸民携書相從敷席水濱支頤負暄揮羽却  
塵躡屐遠道隱几重茵幽響中發虛觴載陳投我嘉實含和  
茹醇優哉悠哉及茲良辰山有鳴鳥郊有游麟濟濟以寧我  
懷古人

古詩五言

題汪華王所藏蘭亭圖

衡茅負晴旭有客至我門共披會稽圖山木盛纘紛衆賢坐  
水次飛觴汎沄沄夷曠各有趣高閒知右軍幽情付後覽陳  
迹感前欣悠悠千載來不異更旦昏探穴問神禹均望海悲秦  
君逝者皆如斯死生固奚云所以鼓瑟人思從童冠羣春服  
涼新浴歸歎聊求言撫卷不知老遐思在茲文東南極積水  
日暮多浮雲

寄題曹元賓尚書臨濟圖王繼學參政畫

昔聞適炎服中道臨清漪瀟瀟蕩荒日悠悠動寒颼來者何  
滔滔逝者不可追聖有川上歎晝夜固如斯解纓手自濯浩  
蕩忘險夷高人今摩詰萬里同襟期抽豪寫幽思帶雨更題  
詩三年反田里春河釋冰斯舟楫繫野樹濯沐晞晨曦上堂  
喜懼集艱辛謝親慈入室換野服登山采靈芝庶以永年壽  
豈惟療朝飢開囊見舊物感慨深添之歲晚金石友看雲立  
多時憐我不共看寄言令我知來鴻春若早去燕秋易衰近  
遠不相覲加餐慰遐思

玉隆留題

仙真治茲山重阜隱延廣冲奧元氣會運至法靈響與世作  
司命神宇廓弘敞及門春雨來玄感副夙仰摩挲晉時樹託  
身何蕭爽千載抱微息日月共來往欲爲黃髮期日待紫芝  
長上天垂光彩月出江海上故人不可待惆悵理歸鞅

黃堂留題

雲館息塵鞅夜聞春雨聲溪水傍階長仙茅新綠生曉氣動  
原野曠分見夷平神真昔參合觀泉宅幽貞儼然師弟子歲  
來會秋清遺民千載後高宴從簫笙因嗟蚤好道晚歸濯冠  
纓矯首望遠海駕言羽翰成神仙在平地崎嶇愧凡情太乙  
有移石中洲良可營

記夢

夢行衡廬間千仞過蒼壁崇高仰神明深廣下不測雲雨蓄  
盤礴時至如欲出網緼尚回旋揮霍勿奔逸物在匿若穴  
若俟霹靂黑波汎高樹木葉走崩石升身登玄間縱觀龍變  
跡俯視九州野草木石輝澤乃在風雨外手書素三尺揮毫  
極動盪落墨更沉鬱圖成示坐人共咲不可得顧瞻以踟躕  
恍惚增歎息因之命肩輿出門聊有適大術何舒舒白鶴從  
數客畧經幽澗濱便上青松側憑高望遠水雙景蕩虛碧拂  
石共客坐芳草藉尻膝忽然聞鐘聲睡覺北窓席

次韻陳溪山樓復

頗憶蜀井西樓閣每易討披心割魚子束皮充慧掃淪工巧  
紉履文織象花草輕鬆隔沮洳緩步得堅好長跪獻圯下會  
期後二早知君貴賤履陟降自有道憐我涉世深虫誠不待

造兢兢歷淵水縮縮奉師保時行不違矩庶慊歲年老

其二

解舄還上方歸山據枯槁禁足結僧夏陳編謝探討隱几或  
過書凝塵遂忘掃行庭不見人誰或踐生草寔由筋力衰無  
復馳走好前年當此時嚴召出城早追度龍門水賜見沙領  
道鼎湖忽踰年始克罷趨造感君素履詠幽貞可長保番番  
茹芝人長歌豈知老

其二

六月乃屢雨良田不憂槁獨念桂林戍觸熱赴南討道路備  
攘掠所過淨於掃縛人夜送軍吏卒何草草戀爨亦人類義  
利啓戎好尋原可制亂機要貴及早夜來送者還頗言賜橫  
道諸軍四面集同月約皆造誰爲飢渴謀性命安可保藜藿  
雖滿槃對之令人老

浮丘公吟寄赤城陳道士入山有遇爲溪山壽  
淺迫無能信直溥雨雲不待族飛光越窻塵豈知非斯人世俗苦  
歲一息勻金精歷可鍊色重無磨磷蒼蒼紫玄峰只尺天北  
辰神明寂已定尊高此依因握機稟元化同流溥無垠所以  
赤城子從師踐荆榛三周日却中志確神乃親廬間玉雪相  
旭陽射光新稽首受餘啜骨換非昔民不遠恒在茲瞻然願  
知津先生早有聞爲恭若逡巡賤子請執御端輓駕飛麟

爲變理晉化題陳立所作龍眠山圖

爨侯起高科得邑舒水上民淳事稀簡田野甚夷曠戰爭遺  
跡泯山水良足賞幽棲南昌尉英爽赤壁將古仙家白雲美  
人化黃壤岩岩龍眠山一士獨可尚高懷托千載妙畫極羣  
向來讀書處春雨草木長夷遊昔賢遠瑤席共來享彈琴

坐終日微泉散清響來者安可期徘徊以招悵畫圖記彷彿  
聊以慰遐想

和陳溪山韻

幽人慎素履古道思獨往瞑目登高臺浮雲不足上丹砂煉  
仙骨沆瀣濯神爽遠懷登江靜耿若孤月朗河漢自傾注山  
川貌游想歛跡倦飛翼歸耕故時壤好風從東來空谷感遺  
響詔書薦遺逸郡府屬高仰聊持東湖水往助敬亭賞

和陳溪山送蘭花韻

幽林有蕝蘭菁菁秋不衰憐彼采藥人不識敷榮時涼風動  
綠葉清露生華滋世傳神農經圖書竟空披深根寄連茹藉  
以瓊瑰詞同心求爲好豈但服食宜先民昔有言所貴希見  
知舊聞絕行仙挽有童孺姿南陽有黃華西山多紫芝度世  
未聞道咀嚼空莖枝湛一保冲烈執御正不奇靈苗無助長

無為以熙怡始信斷金利終古真不移千載同一息敢忘君子期

送空石印公還徑山

東出楞伽室西望香爐峰曲折披翳蘿蕭蕭條倚枯筇然燈共過夜曝日忽經冬天山斷綠想海國識行蹤忘言及生滅抽簡托踈慵追憶塔中相表茲雲際封螭父謝五鳳求護煩雙龍

題張觀海所携虛舟竹所一毛圖

虛舟倚亭皋脩竹相因依水木有清華魚鳥淡忘歸蒼翠晚色靜鶴羽傍林暉似是鑑湖曲幽栖掛朝衣古道日已遠昔人相見稀蒼茫寫雲霧蓬壺是耶非

送龍翔高獨峰上人還金陵

承詔寫宮榜馳使出丹闕黃金射江海光景信日月迹來盡

十載感遇嗟白髮神靈在雲漢賦畝慨明發祇園何潭潭夙志返超忽幽士住精舍諸妄久息歇浩劫鑑止水高峰獨首舉觀察勝願力知我心兀兀清風不可執振錫出林樾

送海東鉅上人十首

用雲空飛渡出海龍帽梅柳度江春為韻

積水衆鷗滅春空鶻餘雲掩室坐脩竹天花散繽紛上人東海客來去何見聞飛錫還日下珠宮浪泛泛

日色出海水千波散明霞一杯承足來九載不為賒要觀香爐峰折蘆長風沙微吟動林響蒼龍送浮槎

我昔忝泰霞東望候日出子從日下來海水中蕩瀟坐受龍女珠簾垂夜光室持遠定何有長空斷鴈一

為法不辭遠遊歷年載衣中得故珠終夜動光彩還持一支葦歸泛萬里海駕言乘桴行沙際如可行

肯羨黑虛豆生芻長冰署無堪餉遠客棹下若為住行囊掛

屋壁破榻夜風雨神光發慧劍耿射東海曙

燕坐共禪月行吟向孤梅有懷匡廬山老人爰崔嵬洗鉢三

峽水振木東林臺乘槎動歸思欲去更徘徊

山居如老禪坐致不請友何方簷下雲識我門前柳翠竹不

碍山黃花紛在手未覺酬對難離妄亦無取

老胡昔東游勝士乃西度到岸無彼此不憚弗殘獲要之心

本空一了不移步龍宮解相迎黃金已先布

百鍊成利器千金來海邦清霜凝秋水國士歎無雙持正行

正令魔邪孰不降觀子製名字高風凜寒江

止觀覓心要律儀檢凡身密言轉相付海刹幾秋春奇哉善

根熟一徹無逡巡子來得何法歸報日邊人

楚石琛藏主自蔣山歸却欲就叢林闕藏同舟清

江之上賦此贈之

手携北山雲却上西江水月明洲渚生葉落風不起虛舟不  
移棹寒波釣金鯉銀河轉碧落北斗去天咫龍吟匣中劍虎  
躍弦上矢殺機誰敢當吹毛豈輕試貝葉啓千函木榻脫雙  
履惟應勝壁觀悠悠度年歲

題東郊山房

秀挺東郊山雲氣常覆之林丘翳幽潛流泉發芳滋盤桓在  
中谷良疇漾清陂開堂直岡景長年誦書詩考友夙所敦求  
道遠有師雅志尚端潔凡近詠難知康樂昔賜履詠歌足遐  
思啓書訪前聞往跡無所遺瞻彼南澗松深根連喬枝亭亭  
植高節鬱鬱含令姿衆木不同泯悠哉副深期

題蒙庵爲黃石谷賦

東南有高丘下臨萬家邑汪洋泱春潤沃衍盛秋入群山若  
浪波起伏翠重襲靈運好奇險高平罕相及幽人園綺間周



覽度原隰隨山導清泉積石拾層級結庵以蒙名果行信所  
執良時一來游朔月九交十門當星斗高隴卧風雨濕一川  
燈火歸賓從雜車筇登高愧能賦騰身竦山立

為黃氏賦太雅詩

岐山鬱嵯峨鳴鳥昔有聞周公盛制作經綸以弥文朝事接  
燕饗勸勞兼賓軍肅雖述盛德工歌替前勳流蕩乘濮靡何  
由返咸雲陳肆輒有見吳季真不群公子有古絃歷然宮徵  
分大雅忽有作青春日方殷高堂以居之樂康永欣欣

己卯十月廿二日從宜春郡幙嚴伯威觀南軒新

閣登舟有賦却寄同游者劉粹中賢良

茲郡多美泉小大各有神深潤浹温厚草木何光新披圖閱  
名世碩皆仙佛人退儉寡外驚懷哉此良民退之文既遠泰  
伯學未醇昔我朱與張遺言存縉紳東湖有新閣下臨南澗

濱周眺忽已晚皎然仰空旻虹梁亘溪流落日車馬塵曾丘  
間叢祠鍾鼓嚴昏晨江潭嘆搖落名邦感宜春為治古有道  
川原隨所因華構相為雄大雅竟誰陳移舟古峽口西望蒼  
嶙峋浩蕩無與語逝波絕垂綸

秋堂

秋堂者臨川吳生文明之親舍也生才甚清美賦詩婉  
麗無塵滓之汨觀其同門未之及也昔胡邦衡以詩人  
薦朱文公大儒豈以玩物以成名哉性情之正冲和之  
至發諸詠歌自非衆人之所能而士大夫各以其見見  
之耳生未可自喜自畫也是以為賦秋堂詩云

間巷多罌塵秋堂獨高深有子能讀書幽懷發微吟天高風  
露下澗泉落危岑神仙絕飲食穢濁無留沉所以聽夜誦共  
愛風滿林神清曷以哀情長恐成淫大治昔有作九牧歸吉

金齋樞下五石工成振鴻音宣風萬物暢神祇肅有臨鳳鳥  
鳴岐山人文示來今候虫入床下嗟哉苦勞心  
清風拂高堂舊席忽已除下堂具甘旨上堂列琴書垂紳風  
夜至再拜問起居誦詩已三百習禮少壯餘納交君子室執  
御長者車爲樂古之道誰能咲其迂

題雲泉齋

長河洄凝合微泉自溫活蛟龍依以生抱困待春發南雪不  
到地流泉常在山飛英散絕澗流澌響滄溟融結各有方不  
息在無二觀茲保深長乃得養生理濯尊薦寒冽春陽向熙  
怡君子遠莫致永言以相貽

平江開元雪隱光禪師訪予臨川山中其歸也予  
與賓客用一雨六月涼中宵大江滿分韻送之不  
足予心爲繼之而予分得一字

積雲何處高蜀山家苦萃海東極孤絕日送斷鴻一徘徊  
擢樹冥坐但空空園果墮宿雨當晝從定出八月露水繁石  
鉢滿華蜜相會豈無因分床便深密

賦彭氏靜深堂

君子憺無欲淵然事幽潛貞居觀物初天機引休恬寂寂象  
愚朴容容無數獸群動不知止謀慮隨物雜及息不及踵乘  
舟膠漸漸豈知本湛一不與利欲兼圖書發聖德受命字不  
占戒慎保靈秀先幾發微纖進善取損益關存且惟嚴浩浩  
厚有積悠愆心浸何淹盈科以時行小人慙屬澤虛堂積雨霽  
光風草侵簾空洞溥龍澤止水澄秋蟾善善在年宮勇哉副  
遐瞻

秋山行旅圖

春直農務急新涼事征游飯餽既盈橐治絲亦催裘升高踐

白石降觀索輕舟試問將何之結客越神州珠光照蓮葉  
劍璫瑚鈎乘馬垂首宿縱目上高丘策名羽林郎談笑竟封  
侯大行何崔嵬日暮摧田翰古木多悲風長途使人愁  
見不末足倦霜雪稠谷口何人耕禾麻正盈疇出門不及  
酒饌相綢繆壯者酣以歌期願醉而休安知萬里事有此  
歲憂

為題馬竹所九歌圖

屈子又去國行吟山澤秋思君不復見婆娑安感玉謳仰瞻真  
神遠俯慨深篁幽衝波起浩蕩玄雲黯網羅初陽昏扶桑在  
蒼蕩海漚漚君夫人遺缺在中洲壽夭乘陰陽孰知制命  
由慨然長太息悲歌寫離憂想象以稍悅開卷令人愁

清明山房詩為危太朴作

矯首望太清正色蒼蒼以玄噉噉何麻麻日星高轉旋游塵雜

氛氣起滅尋丈間容光見擾擾孰與為控搏所以學山者凌  
空怡妙顏質化入常寂凝暉托空山據會觀往來生死何足  
患妙哉太朴子難為世上言

次韻太朴良友對何仙舟讀書山中見懷之作

得謝荷休澤消搖在巖阿結廬庇風雨樊圃塞藤蘿塞坐古  
人書日夕猶詠歌追念少壯日玩愒亦已多兢兢事補塞奈  
此遲暮何美人百里內邈若隔山河興懷貽好音緼藉二春  
花報言慎芳歲卷石崇魏莪

道園詩古錄卷之二十八

歸田藁一

雍虞集伯生

芝草永言

古詩七言

江樓看劍歌書趙子昂劍銘後

豫章高秋宴高閣乃出此劍相娛樂當時冶鑄絕精英土蝕  
沙沉更銷鏤遺質所存如冷電江光不與晝光却神光內闕  
氣逾深識察誰能動冥漠等閒千年不一試壯士酣歌漫揮  
霍嗟予衰朽雪滿頭空對涼風起天末或言江中有蛟孽當  
煩仙人下寥廓吾故臨風拂其鏗俾伏崖陰無敢作

劉忠肅公之四世孫中書舍人諱震孫之曾孫益  
之題其居曰雲松巢予家與劉氏累世之契故為  
書忠肅公文集之首詩二篇并賦此詩與之

丞相昔遊泰山頂天風浩浩春晝永玉檢微茫不可求但覺  
靈寶熟丹鼎白日人間如水流前代衣冠成古丘悠悠憂患  
何足計直道十年橫素秋徂徠之松數千尺東溟海上莫烟  
碧中書偉人如玉立每向南風望東北濁世公子何翩翩却  
憶匡廬還謫仙夫容出水耀初日五巴光新天未妍我今僑  
居廬阜側西視我眉歸未得豈無雲錦晚相娛刁落終懷空  
山白森森喬木魯東家河間禮樂更光華勿忘先世舊遊處  
吾妹爾焉膏其車

吳興趙子昂十馬圖

昔在秘閣見十馬云是畫僊之所畫此圖位置畧相似心神  
偶同豈臨寫馬種不自溼汪來澹澹有泉更瀟灑常恐一日  
風雨至疑是踏波濤遂神化豪雄志氣今豈無未見深况如此  
若君看最後臨片驄自是真龍無世價

畫馬

百年升平却走馬立仗天閑常見畫蕭蕭難辨頭八十翁却寫  
西來大宛者高蹄如鐵項如欽風鬣蕭蕭首宿秋常見貢來  
騎不得長嘶要蹴崑崙立

題畫

連昌宮裏古墻陰積雨過春黃竹深老樹無枝交屈鐵立石  
有書名錯全吮豪池上寫幽鳥承恩春日風光好當時執戟  
吟白頭却對蕭森倚秋昊

空山歌

高空之山聶公宅稚川作圖纔數尺秋天薄雲平似表春雨  
喬林百年物憶昔侍郎鎮成都將佐盈庭賓客趨錦官城外  
笳鼓發駟馬橋邊高蓋車先廬舊在小東郭丞相祠堂同寂  
寞嚴公同訪社陵家追之亦到淮西悞我眉峯我久不歸江

水娛人秋日暉坐看蓬萊變乘海自古南城天下稀公子親  
迎陳氏館我初至撫猶弱冠者君揮翰甚風流豈想蓬蓬鬢  
毛換君言中間一再來數見先公胸次開鶯花風雨必求友  
水竹園林持酒盃嗟予晚歲始能退寧有文章驚海內平生  
不受簡書畏故家高致君應最圖中山色積翠濃雖欲舍子  
將焉從蜀人相如家能賦行倚山木歌高空

為燮玄圃題黿溪春曉圖

夫容山陽萬家邑石嶺戴戴紫紆入溪水西行夜雨深連村  
乘拓春雲濕昔因荒迥少官府日莫孤鬼作人立自從置縣  
二百年稍有衣冠更俗且讀書進士比書聞潤屋黃金亦家  
給山中白日浮雲多負乘因仍足車笠燮侯世肯國勳舊射  
策君門耻以襲朱衣作監列星宿遠人豈意高軒及接琴不  
鼓書牒稀彈缺無魚賓客集綉衣使者停車見黃堂大下

床指登高望遠送飛鷗壯見縹緲空原隰人言桐鄉人愛我  
我心相知重於惜畫圖千疊山木細菱合是南條莫忘耳

題烏竹所畫

霜清木落江海空一棹歸來何處翁雙松千歲如鐵石為尔  
回薄旋天風憶昔神龍劍所化夕照滄波弄明月望中冉冉  
雲氣生直接銀河上瓊闕

程元鎮規校董北苑米南宮父子寫山水雲物此  
有標致見示看江掃急管遂賦此

春江聚網萬魚急漁人相謹魚相位負薪深山何處獲利息  
相乘不相及海鷗其真秋影微黃葉江南一棹歸人間得失  
兩無迹不廢山水入畫障

南岡

華蓋二峰立天表山北山南青未了  
蒼蒼有雨雲出太虛幾送

餘霞夜飛鳥岡頭春歸露未晞梧振鳳皇相因依卧龍之孫  
思外氏惟望瞻光生翠微

題何大夫畫馬

國朝畫手何大夫親臨伯時隄馬圖伯時絕憶鐵面語放筆  
驛驢懷此都此都大夫八九十千馬高馬在胸臆倏然數鬣  
落江南捲京上箱謝措壘

同開先南楚悅神師觀息齋畫竹卷於崇仁普安  
寺煜公之俾室蓋煜之師一初本公所藏也日記  
延祐甲寅息齋奉

詔寓嘉熙殿壁南楚與之同寓慶壽寺同予時為  
太常博士俯仰之間已為隄迹乃題其後云

嘉熙殿裏春日長集賢奉詔寓慶壽宮還來二十有五載飄零  
幾里到江鄉匡廬高人昔同住身見揮毫鳳宮寫木拈石

是何年脩竹森々長春雨

題村田樂圖

尺素自是高唐物瑩如秋水宜設色何人畫此畝畝間二三  
老人若相識茅屋蕭條古樹下農務未殷牛在野或吟鸚鵡  
睨籠絜或弄獼猴咲真假老翁政自如鬼嬉高髻強負相扶  
持古時粉社花田祖移饌高亭隨所宜抱甕初來未貯酒亦  
有些鷺宛延首村優競携樂具至大怪雞驚兎拍手拄杖出  
門欣見寶羅華滿庭生好春歲時無事得如此擊壤何必非  
堯民騎驢過橋殊矍鑠携具荒陂來赴約定知張果千歲人  
游戲人開共盃酌

柳塘野鴨

江南水退秋光淺風柳參差萬絲捲死鳥蒼在梁是在渚漁蕩  
扁舟去家遠千艘轉海古長策白粲連江動秋色斷蒲新葦

野水闊爛爛明星且將弋翠服擊寒夜深寒玉色正落月  
殘太液池頭黃鵠下夢中曾見畫中看

丙言問牛喘圖

少陽用事春猶淺丞相公行問牛喘二六職事知者稀嗟  
德微蒙榮免天子有道守四夷中心無二日萬幾遠有句  
近有畿夙夜明哲發裳衣

江貫道江山平遠圖

江參去世二百年翰墨零落多無傳人謂幾人寫山水誰能  
意在揮毫前跡見石材舊家物春雷雷壘初披墨我知畫詩  
頗豪放三者相望都突不險危易好平遠難如此千里數天  
間高雲舒卷非散地麗日照耀皆名山  
待美脯酒一斗三  
汁盈盤可濡首江生精神作此山向山  
當至否高秋  
漢天無雲帷中冷然來夜分黃茅嶺頭  
蓋陌畫我獨  
力

丘君

為汪華玉題所藏長江草堂圖

雲泉幽人愛江渚抽思揮毫寫橫素波濤不驚潦水盡秋氣  
明明絕烟霧征帆去棹不相襲岸曲洲旋總堪賦孤村城市  
僅如蟻百丈牽江直如縷蕭蕭木葉洞庭波歷歷晴川漢陽  
樹兼葭宿鴈天欲霜叢葦寒鴉日云暮就中樓觀何王宮想  
見華年貯歌舞丹青倒景駭靈恠粉黛含情愁幽阻青春遊  
子澹忘歸白日冷黑帳中語人間遺迹何足留  
歎惜精思墜  
塵土郭熙平遠無散地小米蒼茫托天趣鉅鋒鉅戟不破墨  
刻畫晶瑩昔誰苦渤海細書藝文章精絕戈波絕回互南唐  
後主島鴉圖點點晨光動毛羽肯年曾見今日昏雖復逢之  
亦難睹汪侯此卷出故家相示摩挲極愁予香奩尾軸見者  
稀謾錄餘情示來者



盤車圖

大車麟麟牛駕謁西望大行雲千尺往時飛挽實長安百兩  
仰闕過阡陌亂流十里九屈曲水濺車箱沙沒轂前和後應  
日云暮王事有程車下宿拚旆央央昔臨洛東南會期出方  
發侯伯有位賦有差載輦瞻迎來若若君不見海艘百萬乘  
天風京坻運雲多腐紅天子視朝大明宮千乘萬騎來何雄  
贈羽士費無隱

東望雲林三十六聞有仙人結茅屋晴窗露寒零紫雲白雲  
深際新黃獨國初山下苦流離義士傾家世存百年孫子  
俱華髮誰解燈前說舊時聖恩深重絕征軫猶慮寒溫資  
眩身著黃冠冥古方簿素紙書二十卷相從寂寞久者誰  
寓山頭一布衣鬢如鴉羽顏如雪跳入壺中夜不歸市人扣  
門呼不應光影俱消聲已浪但言解隱不言無不道本無何

所隱我欲作丹頰水令人間無藥不堪尋青霞如練還相覓  
華蓋蒼天丈室深

題漁村圖

黃葉江南何處村漁翁三兩坐槐根隔溪相就一烟棹老嫗  
具炊雙瓦盆霜前漁官未還漁蟹中抱黃鯉助白已烹其瓠  
當晨祭更擷寒蔬共佳席垂竿何人無意來晚風落葉何處  
愁了無得失動微念况有興亡生遠哀憶昔采芝有園綺猶  
被留侯迫之起莫將名姓落人間隨此橫圖卷秋水

題韓幹畫馬

韓生觀馬十二閑時寫一二傳人間坡翁嘗來伯時宅見此  
遺迹開衰顏前行如雲塵不動後者追風絕飛鞚昔人能事  
已可能始覺賞識非虛調昔觀秘府韓絕少得見龍眠已驚  
倒使人讀詩如見畫人中豈復生坡老五雲之中天上奇代

塵名駒天子騎神明尚令後古口莫歎韓生非畫師

題黃都事仲綱山居隱閣圖二首

出山作官十載餘聊托筆墨懷幽居連雲一一列眉黛細雨  
往往逢樵漁隣家父老每載酒隔屋身身皆讀書我又居山  
不待書獨念稚子扶犁鉏

閣前流水秋愈深故人東來還見華方舟直過彭蠡澤把釣  
坐對香爐峯壺中烟樹差可辨江上鄉關誰與吟我欲芳蘭  
寄遠者日暮天際多輕陰

題秦統二夫人承召遊華清宮圖

貴人並輓如輕鴻承恩馳入華清宮道途先不止行客策蹇  
奔抄烏帽風矣囊隨地何足拾豈有篇章浪相及畫史當時  
妙墨傳光彩流動狂情急君不見白頭拾遺徒步歸明眸皓  
齒事皆非朝天泥滑袖封事高閣雨餘宮漏稀

方壺畫山水歌

方壺之山在海中世人欲見知無從壺中仙人閱昏濁絲筆  
手開三五峰亭亭兩箇老松橫萬壑千崖閣今古憶昔長從  
王子喬坐聽秋風最高巖世人畫山非不多不識真山亦若  
何君看昆侖上丹穴芝泉玉樹森淩淩東望方壺應不遠飛  
度九州如過電便從海上問金公莫待浮杯水清淺

示罔

憶我蚤歲離親側足自踐履心惻惻中年祿廩不及養人羨  
清華已驚惕歸來老病五年餘閔子謀食躬犁鉏蓬蒿羅生  
果臨異蛛網微細仍縈紆星河江上喜非遠况與良朋適我  
願故人念我一相見暑中尚慎施樓轉

律詩五言

玉隆宮下藏宋乾道宸翰卷五十一字

昔者雲歸壑天章自九重日華常映鳳山氣盡成龍俯仰遺  
陳迹高深儼德容飄然化春雨結想在青松

寄忽承旨

投若清江外依山結數椽扶藜借水竹把筆賦雲烟歲熟無  
憂食秋清不礙眠故人相遠遙北極在天邊

寄三衢守馬九皋

聞道三衢守年豐郡事稀詩成花覆帽酒列錦成圍鶴髮明  
春雪貂裘對夕暉蒲舟應載客閒聽洞簫歸

題朱澤民山水

積雪山陰道嵯峨筆底生雲門見童子禹穴幽蛟精高卧人  
何在幽清幾談成杜陵空想象晚飯施樓情

寄題洋道十章亭

飛白妙娉婷新題照草亭仙遺相鶴法客借換鷺絲經霧雨歸

驟乘風雲護伏令遙知春晝永深坐羨黃庭

黃敬延送竹本

分得瀟湘玉森森忽滿林香爐來曉色石檻借清陰好共芝  
蘭長毋令草蔓侵清風日如晝老朽要長吟

聞鳴

樓近煖雲濕夜深歸雁低聲音燈外盡羽翻月邊迷冉冉白  
榆上悠悠黃竹西應逢穆王駿春草一長嘶

錢舜舉畫

一樹花如雪清明客未歸坐看黃鳥並夢作絲雲飛翠袖寒  
猶薄羊車過絕稀相如能作賦月下卷春衣

山水圖

泛舟乘落浦望見香爐峯馬水常敲樹山雲不礙鍾桃源携  
客覓松徑與僧逢為託荆樊畫漆予九節筇

丹霞觀黃知微留別

寓館隔溪津過從厭市塵振衣清露曉拄笏野亭春歸作芝  
田主思存黍谷神松華頗寄取老子欲輕身

題馬竹所畫

老樹依江岸歸舟傍釣竿水花看晚淨風葉識天寒鴈字來  
千里魚羹付一餐遠山青何隱日下是長安

題曹霸馬

將軍今爲庶畫馬寄高情聚立天風起長嘶沙草生飛揚萬  
里意凌亂玉身精日暮太行道悲哉長短行

答陳溪山元日即事

積雪埃塵淨光風宇宙新閒來知惜日老去善酬春退密觀  
群動憑虛集百神真人起居法無一是違仁

送客北門晨登山木閣

晨登山木閣零雨煖於春溪水解留客梅花偏照人林香知  
酒熟市遠覺民淳此地堪娛老惟愁度水頻

次韻陳溪山

移棹避殘暑開樽就夕陰冥鴻聊自達幽草若爲吟離索連  
三月棲遲共寸心遙吟溪上晚扶策獨臨深

又

乘興忽忘遠和思知幾何未便塵事少謾悔世緣多朝食烹  
芝菌秋衣製芟荷平生但隨運何地不蹉跎

杏園詩爲黃思順賦

善藥多陰德名花種滿園暄風吹雪盡暑雨綴金繁卧護煩  
仙虎分符任野筵佳兒足文學食實似桃源

道園學古錄卷之二十八

奉與... 三月... 歸田... 癸亥... 伯生

道園學古錄卷之二十九

歸田集二

雍虞集伯生

芝亭永言

七言律詩

與夔元溥登仙遊和季浩卿韻

老去江山已倦游况間風雨滿溪頭... 白鷗經稻疇山崦有雲堪作供... 回車晚留取衰翁專一立

陳可復為予寫戴笠圖賦詩四首

浮雲滿空無所依高岡獨行來者稀... 嚙吻生草肥伐木遠聞何處谷... 霧先合此日先生戴笠歸... 南園多竹暑氣微始來結屋相因依... 掛巾石壁畫霧濕沐髮

池水朝陽晞頓年車馬踐霜雪六月裳衣無給締鄰翁問舊  
坐來久此日先生戴笠歸

老去懸車百慮灰西風獨愛菊花開田家酒熟邀賢去茅屋  
詩成懶更裁欲及天清冷沍澗要觀日出上蓬萊亦松有約  
應相待此日先生戴笠來

捨却鄉人駟馬車老身全不要人扶雲霄一羽山頭杜風雨  
孤村海上蘇薄命長鏡隨積塵多情破帽落輒空莫圍玉帶  
垂未結此是先生戴笠圖

仙游道士余州雲為從珠溪余隱上求得華山下  
黃茅岡一曲規作丹室喜而賦之不覺五首

華山東下有茅岡云是毛公舊隱場清露尚餘丹滿白白雲  
今許草為堂冬憑野燒開會隴春託山雷淨石牀從此便為  
千載計洞天先拜紫玄章

茅岡地主古醇儒乞我岡頭作隱居嶺上閒雲從管領湖中  
流水聽開除刀耕火種從茲始兩笠風飄便自餘自古詩人  
多會合浮丘毛氏不愁予

石人屹立古仙壇雙澗交流拱一盤臨水種松須匝匝就中  
作室要寬安洞經即日脩真訣玉臼逢春浴舊丹却恐山中  
添故事題詩莫與世傳者

仙游辨得茅千束華蓋須分屋數間微咏玉經忘我老謾講  
金鼎勝於閒龍雷變化從舒卷鶴露清寒自往還何似綺園  
諸老者採芝初不離南山

茅岡初割一溪雲玄契華陽舊隱文謁簡自題香案更封章  
先報大茅君種成和露挑千樹借與摩霄鶴數群便是宸清  
真洞府不煩夢想託紛紜

崇仁監邑阿里仁甫采菊花盆中所竹插之而生

枝葉近年翰林學士陸公謙齋作御史時亦有此  
瑞朝之士大夫引寇萊公故事以為徵名其堂曰  
瑞竹而咏歌之陸公仕東南歷郡守部使者至所  
有仁政著清節美名著壽今為中朝老臣瑞蓋不  
虛發也仁甫長邑三年清介明恕字于上下此竹  
之生公老庶士爭走山中相告因取而觀之略寫  
其狀賦詩以美之

華盆插竹忽生根枝葉青之向曉撥直節有生資地力虛心  
無愧荷天恩陸公堂上今重見來國洞前孰更論但得清風  
千古在常扶節杖看淇園

撫郡天寧明極曾講主陪敬齋監郡奉祠華蓋特  
有高咏二讀敬嘆僕偶共清游輒復次韻衰退不  
工聊資笑粲

三峰台殿接新橋十月長齋夢翠堯朝步仍垂蒼玉佩登歌  
還引紫瓊簾樹枝絳蠟蠟連貫五色采雲向日飄飄有仙人  
陪後乘輕清詩句似參寥

鄧公信吾契家賢弟比奉憲臺書幣存問衰朽于  
山中其還也無以為賦賦此與之

履厨秋高寄遠情飛鴻肅肅度江城深慚衰朽勞人問豈有  
文章與世驚疏傳多年餘鳴盜揚雄已老太玄成憑君歸致  
殷勤謝擊壤田間荷聖明

故人將命清嚴地越陌經阡任見存松刺荒蕪漸重客裳衣  
顛倒出柴門老忘舊事草書卷喜走鄰家不見酒尊此邑故家  
無幾在更崇令德及諸孫

安成劉雲章漢章兄弟兩秀才來訪一長書一長  
詩皆有志文學賦此為別

步獲東行好弟兄東書衲袖見才英只愁困學孤來問豈有  
奇聞外素誠知道言辭無詭妄及人事業匪縱橫名鄉自昔  
多君子珠重歸來在矯輕

壽陳溪山生日

西來羈客作南居來往風流舊下疎好向每容鄰曲寫高情  
不解世間書溫溫中夜還丹鼎冉冉高仙畢道車千歲相期  
真有約九天風露壽尊餘

秋日同朋游北塔山

縣西北塔極蕭疎投老能來幾度餘山木也隨樵斧盡屋塵  
猶護醉翁書遠懷天上多騎鶴近愛槎頭可釣魚九日懸厓  
多細菊可能無意再巾車

縣道蕭條北客疎西人居者亦無餘春尋道士松花館秋覓  
山人柿葉書太史闕文誰借馬相君退食尚烹魚何因得似

先天叟洛下人家揔駐車

歸田多病故人疎好客相逢樂有餘老去深盃那解飲詩成  
大字尚能書門生去上青驄馬道十歸騎赤鯉魚如此餘生  
多樂事誰能七十始懸車

送尼山廟學彭山長

尼山新作素王庭春告成功用上丁祖祿有松充采斲靈光  
何殿效丹青風霆形氣皆垂教金石文章具刻銘天子萬年  
綏福祿曾孫奉若薦明馨

游浴湖田舍

近郭林泉無可游行尋田舍只逐微流春眠稍可遠鍾鼓秋熟  
或能求豆區萬里橋邊祠廟古百花洲畔釣船幽兒童不解  
憶鄉里老夢時時還故州

題范德機詩集後



抱膝長吟老范兄，寒岩古柏兩同清。東都高節鴻毛遠，南海真仙鶴骨成。遺藁飄零存梗槩，孤兒瘦弱賴高情。若無塵外知心友，千古誰聞出世名。

溪山翁所居與小雅易君相近翁與予賦詩易君之季子至善輒隨錄之遂成巨帙賦此以答其美意云耳

橫塘烟雨易東家，翠竹娟娟映白沙。綵筆徧題詩滿卷，繡廉長對樹交花。往來二老隨天分爛漫，二春感物華却問綺園商嶺外曾無高咏到烟霞。

題徐孟俊弄山閣

題詩遠寄弄山閣，回首人間三十年。西嶠依然仙了館，東湖還載隱君船。同時翰墨嗟誰在，滿屋詩書嘆獨賢。欲買一舟江海去，遠看喬木翠於天。

送易用昭

詩成長是倩人書，最愛東家織翠裾。澗樹斷雲春雨外，華星明月晚涼初。滿牕柿葉題都徧，短帽梅花畫不如。莫向墨池成久別，鸞群還欲謝崇虛。

和陳溪山雪中雪晴二首

柴門積雪未全開，千樹瓊林豈異哉。鉛鼎微溫過半夜，玉經細味却千災。江南冰向川流合，天際春隨斗柄回。太華高人觀物表，詩成先寄鶴飛來。

東風先散息寒威，病骨欣然解帶圍。日照瓦溝生淑氣，冰融硯沼漾晴暉。銀燭試裁花枝弱，玉鱸新嘗菜本肥。尊酒欲為君子壽，除公誰是兩忘機。

和陳溪山立春後二日即事

夢朝金闕見明晨，澗澗冰牕積玉塵。二日新春一日雪，一分

深雪一分春柳條封盡葉如粟梅萼飄殘實已仁欲破鳳團  
銀盃凍冬温且酌井泉新

寄陳奉常并序

昔聞朝廷

寧廟升祔奉常陳君新甫以世胄之貴游博治之高道  
特奉明詔出使江海之上采上金明林擇良工絕藝  
新作禮器樂器求在郡國之書與通樂律之士以備一  
代之盛典焉鴻儒碩彥感嘆其委任之隆非尋常效一  
職治一事之凡近而已故賦詩餞奇辭瑰句傳乎四方  
何其盛哉僕以然老懷未忘舊俗亦成一章奉寄

新廟工師謹駭奔奉常承詔出修門鑄缶就徵揚州貢觀  
樂應宗季札論功德頌成諧鳳鳥文章篆定刻瑤琨千年製  
作于今盛馭手壤猶慚荷宿恩

集自郡城歸溪山翁寄詩并和申字韻垂教依韻  
再呈殊愧遲拙

暮春長日雨兼風買得江船未及東出郭故人邀杜老輟耕  
田父訝龐公謾從脩禊忘溪曲何用安車徧洛中旦起紫芝  
行復長詠歸先與謝崆峒  
待客花陰午過申茶香榆火一時新千竿嫩綠搖輕暑數莖  
餘紅墜晚春坐憶雲林行道迹夢遊仙島意生身連根分種  
如冰雪來向清池對玉真

謝陳溪山送蛾眉豆種

種豆南山憶故鄉蛾眉分種喜封囊底須飛鵠能嚙子未許  
蹲鴟共瀹湯玉椀茶香分瑟瑟瑛盤櫻穎間煌煌燃箕煮金  
催詩句更約鄰翁共佛床

己卯秋舟過清江憶范德機

歸來江上鬢如絲所謂伊人獨繫思千載清風東漢士百年  
高興盛唐詩離離宿草秋雲斷采采黃花夕露滋山水含暉  
無盡意他生何處共襟期

玉堂風日擅揮毫海一駝駝嘆二毛太傅竟無它室名拾遺  
空署華州曹孤兒衣食交遊古百世文章墓石高車過不留  
應腹痛寒泉秋菊賦離騷

宜春臺晚眺

長沙王子舊層臺古佛神龍寶殿開秋水繞渠二峽漲春雲  
垂雨大瀉來萬家香火網緼合四面峰巒紫翠堆最憶老藤  
陰覆地空中幾見異僧迴

廬陵歐陽德器游京以所藏先世誥勅見原勅於  
玉堂賦此以送之

充公族子不離鄉封誥于今幾世藏恩數重環全盛日標題  
猶是故時懷遠從史館永同姓未覺轎車滯一方昭代治平  
多制作討論應及漢文章

送黃子勛

從師學道暫辭親百里西來動十旬夜讀松林堂下月晝吟  
梅萼坐中春每欣老筆蛟龍走亦愛幽居鹿豕馴春服蚤成  
還再到永歌向向澗之濱

書武進縣學記後

縣令之職有社稷民人之寄不敢以百里為小也有政  
焉有教焉不可以偏廢也陳君子瑛治武進脩學校馮  
彥思記之可以知其所系之重矣崇仁之士觀乎其記  
蓋亦有所感而不及為者豈非天乎因邑士之意賦詩  
以書其後云

從容文學聖門優惆悵其人獨子游百里絃歌誰濟濟千年

禮樂付悠悠邑人此日傳新記弟子遙知憶故侯何事紫芝  
三秀地空聞踈雨過新秋

己卯臘八日雪爲魏伯亮賦

官橋柳外雪飛綿客舍樽前急管絃僧粥曉分驚臘日獵圍  
晨出憶殘年白頭長與青山對華屋誰爲翠儉憐唯有寒梅  
能老大獨將清艷向江天

漫空飛絮散輕絲所異寒威欲折絃縣令温存僵卧叟詞人  
解頌太平年剪雲爲葉煩相寄種玉成田不受憐丹鼎温温  
千歲孰樂天事業在知天

寄賀吳宗師七十壽旦

開府希年正樂康聖恩錫宴在斯堂歲周二十逢熙治年接  
期願披寵光劔珮惚從仙苑集簫韶還就洞庭張篴花當日  
今誰是試向雲籤閱舊章

舊德高年荷聖恩慢亭如宴武陵君松喬能壽多深隱園綺  
來朝只暫聞千歲天邊觀鶴髮五雲日下護龍文中七日  
陽初動遥禮三台過夜分

和陳溪山元日後雪

瓊妃剪水散春天坐下先迎華嶽仙飛步惚鳴蒼玉佩閑居  
能檢白雲篇朝元閣近星辰北獻壽盃深雨露前白髮舊時  
香案吏幾迴七日是千年

撫郡玄都觀羽士黃一初自京師還得文宗師吳公所  
爲和詩二篇其一故翰林學士吳先生廿年前廬山中  
所賦其一則和天師所與詩其一則予在茅山羅山第  
一谷中送一初詩也臨行大宗師囑之云到臨川即以  
示予也忽復一歲一初又將北游却賦此一百六十八  
字記一初謝大宗師古道高誼也

和吳先生韻

世外神丹起積痼塵坐見月明過侯生猶識遺經草梁甫  
空成鼓缶歌柱史通家今昔少番君分祀子孫多淒涼遠寄  
懷賢咏譜入朱絃久未和

和天師韻

白髮高居古道山蓬萊雲氣隱垂環尚方偏識前朝履特進  
仍先法後班桃李成蹊春日滿風雲繞坐晝陰閉梅仙舊隱  
玄都錦紫陌紅塵有客還

自和韻

荒陂野色帶餘曛隴上時逢植杖耘靈囿鳳麟千載去玉階  
鶴鷺此時分誦詩自託浮丘伯再問長勤大隱君為報黃茅  
岡曲舍簷端盡日宿浮雲

贈武夷道士羅鑑心兼憶范德機

學道應須任武夷青山綠水不勝思九天清露三生夢千古  
高情兩鬢絲羽客鑑心猶有鑑故人詩後更無詩懸崖仙骨  
堅如玉明月長歌覓紫芝

寄題永石新造觀瀾亭

雪嶺春融萬里來浮雲天際兩眉開魚龍夜水星前起風雨  
春潮足裏回尊俎誰陪賢太守文章莫媿惜英才無邊李白  
登臨意更覓遺碑步紫苔

其與胡伯友書問疏闊稍久因楚石藏主待謁翹  
仰高誼賦寄此詩

喬木千章萬壑秋使君清興在危樓星沉夜水神魚化霜落  
寒汀宿鴈留紅袖烏絲酣楚客畫屏銀燭看吳鉤不知肯着  
枯藤杖采采芙蓉涉遠洲

贈楚石藏王謁饒心道六有先生

不識南塘第幾橋翠樓華屋上岩巖古支獨許揚雄識幽興  
誰爲杜甫邀伐木春聲生澗谷涉江秋影蕩蘭若散花如雨  
携雙履解與高人話寂寥

十月朔日同監邑大用督寮屬游北塔山

敗壁殘書五十年重來山色尚依然田疇稍給農民喜官府  
多閑令佐賢黃菊不羞蓬鬢改清尊一聽酒盃延坐中有客  
邊去公金榜春風待鴈傳

九月與薛玄卿外史會于黃氏溪園陪坐溪山先  
生談玄觀古仙像

百簪纓盛邑東新堂還見百年風兩人白髮驚先老一客  
裳喜暫同食以具陳先世業耘鋤全效野人功談玄不及  
然塵事盡日溪園樂意中

會後將登華山按節岡玄卿先生候予至

石斛金釵感素秋洞懸鍾乳入山幽扶藜不是人間藥聞襪  
聊爲物外遊雲作衣裳塵不染詩成珠玉世誰收石人久立  
黃茅月歲歲能來爲客留

予與玄卿相遇山下別後和朱德嘉韻奉寄重塵  
賡和再用韻奉謝

茅岡七疊七香車誰賦新宮蔡少霞千歲留蹤丹井曰諸天  
獻供菜羹瓜石人兩立春衣濕崖蜜蜂來書樹譚憑仗仙翁  
須一到浮丘已遣鹿啣花

和朱德嘉登華蓋山有賦韻寄薛玄卿和詩未成  
登山已遇玄卿下山道中足成以寄

相期秋晚命柴車同看華峰散綵霞農父苦留杭似雲山人  
先許棗如瓜蛟翻巨石痕猶在鶴立危峰語不譚邂逅不留  
知有意林臺菊有未開花

縉山張君榮字仲華來永撫之崇仁歷兩政六年  
心平氣順上下相安如一日雖有遠役重勞亦無  
闕事甚可稱也予之間居相愛如故舊每懷舊從  
東道往來縉山道中見其風土之勝民俗之美未  
嘗不談道以爲樂於其受代調官京師因記之以  
詩而與之別明年進秩南來觀舊治父老兒童相  
迎於東門之外又當歌此以爲一咲之歡也

昔從時巡出縉山翠畦綠樹畫圖間驅車百折龍門險載筆  
千峯虎帳閑麥粉勸嘗銀縷熟梁炊持獻玉漿還道傍父老  
應常好爲說鄉風一破顏

馬公同涉龍門道歎似山陰及武夷儘有千崖如菴石但無  
一棹弄清漪知君又有鄉閨夢老我能無木石思抱甕青梁  
供玉食饋漿道在野人誰

太平縣道喜年豐每出城南訪野翁粗有軒窓閒草木謾留  
車馬翳蒿蓬心寬易醉毋多酌事簡無私亦屢空正好得公田  
多稼地長年歌詠聖恩中

集家世以文學爲業亂離顛沛憂患困苦無敢失  
墜然學未成而出早涉筆爲文應事而已人或以  
爲能自知其不足也歸田以來稍得安閑而目疾  
相嬰學不加進於立德立言之事無有乎爾也是  
以所作事過即罷不復記錄至元庚辰冬臨川李  
伯宗黃仲律來訪山中拾殘藁於敝篋得粗可屬  
讀者二百餘篇而錄之賦此以謝

冰生鐵硯不堪磨收錄殘編夜每過老病自知才思少應酬  
長愧語言多天人理非無學內外篇分豈自訛只恐玄經  
終寂寞空煩殊月駐山阿

谷黃仲律學文之問

少學文章慮每周鄉人未免是吾輩讀書次第依先覺下筆  
流行稍自由血氣既衰尤帖帖神明自至但休休聖賢端緒  
無歧徑篤信躬行莫妄求

重題環翠亭為李洽卿作

亭深環翠燭光寒曾與詩人語夜闌秋色相高風蕭蕭露華  
如洗月團團莫疑窈窕圍歌舞自愛空閒接羽翰我憶舊書  
陰德事百年應長萬琅玕詩人謂癸元傳觀志能也

谷馬竹所見示詩韻

黃節分土勝封畱惟有松喬是匹儔帶笠不愁山雨濕倚節  
嘗聽澗泉流玉堂夜永空餘愛瓦甍春生欲自浮豈料朝雲  
停翠竹能從幙府一來游

壯氣橫秋勢利輕讀書讀律惣留情爭看撒幙清風起歸拜

懸車白髮榮馬上詩成令我老尊前花發為君清鳳池緩步  
春還近莫厭羨魚斫尾頰

送吳文明

山雨總寒詠楚辭可人同有古人思冰梅的的開生面霜菊  
英英保令姿詩似仙成隨世換學如春到只心知重來宜及  
東風早華蓋茅崗長紫芝

冬至後陳溪山賦以佳句謹用韻奉荅

一陽初動反隆寒久雨山居絕往還彩筆曉題傳密意綠樽  
春泛換衰顏希夷睡足風雲外安樂吟餘水竹間共看往來  
閒日月紛紛塵事不相關

雪夜有懷華蓋山王玉玄

二峰千仞玉穹廬石骨金筋守靜孤渺渺微陽丹建地絲絲  
深息火生符瓊林撐柱虛明兔銀海奔吞黑赤烏持酒



行迹斷人間無鶴到蓬壺

行江聶空山

老夫文章不滿車蕭條家學賴兒扶從師檢業渠能達對客  
揮毫我病蘇春兩解憐轅下犢朝陽愛及屋頭烏德魯士何日  
賢人聚膝上瑤環看畫圖

繞屋看山不命車天寒翠袖自携扶梅花照眼春常從竹葉  
怡顏氣倍蘇復有新雛娛老鶴莫將舊事憶重烏畫堂圍煖  
歌春雪蜀錦波瀾列海圖

寄和吳閑閑大宗師

鈞天樂徹洞庭波野洵誰爲擊壤歌筆石烟雲塵世隔鶯花  
風雨客愁多傳書稚子空遺簡伐木樵夫久爛柯舊鳥識浮丘  
華蓋近相思何處看雲過

答吳宗師壽稀年詩韻

早接雲龍晚散萍二年交信祝脩齡八公從天上承恩管我向  
山中讀道經老兔幸分千歲藥高鴻還借九秋翎蓬萊清淺  
人應識杜杖過頭弁會星

老子長年藏室居舊聞星象動江湖尚方別賜二六公烏維嶽  
恒馳六轡駒龍馬河中先聖畫麒麟閣上列仙圖從游童冠  
俱頭白幾度涼風味舞雩

能歌能辨九爲章無恨才情屬楚襄巫峽草生春易晚渚宮  
花發日何長玄經寫就池皆墨國語成來自少光把筆題詩  
亦聊尔坐中何用怪韋郎

送撫郡經歷海朝宗調官

館閣論思拜命新風雲近接屬車塵受釐官室多清夜奏賦  
甘泉是暮春兩過落花行處少日移高樹坐來頻知君此日  
行吟思驄馬封章又避人

論撰西清近九天回頭二十五華年送人趨召迎新雨對客  
停思倚暮烟染翰朝朝裁五色吟詩往往過群賢故人若遇  
揚開府莫說韋郎鬢颯然

寄趙知微廉使

曾賜玄州水玉丹南征六月海生寒宣威辨說誰爲陸列守  
文章孰是韓溟渤不驚矢蕩蕩烟塵如洗月團團故家文獻  
應催召拭目雲霄一羽翰

題致爽樓

易君小雅雅士也自其先長沙知錄公老於是邑子孫  
守儒業至于耆首又以醫藥活人鄉邦稱世有善人者  
也小雅與余年相近少相好也元統癸酉余自京師還  
小雅觴余新樓之上望眺平遠山川邑屋烟雲竹樹歷  
歷在目而易氏子孫或仕或處皆循循敏藝而敦本小

雅髮須郁然顏貌克悅諸子侍立若弟兄之相次也余  
深嘆善焉小雅曰樓未有名也子爲我題之余以爲米  
元章最號善標置嘗自名其軒曰致爽子之樓四面皆  
可觀而西面獨遠請用拄笏意字之曰致爽仍請賦之  
易公屋上有青山故架層樓擁髻鬢客至每雷風燕外詩成  
多在雨簾間南皆竹似兒孫長東老身同日月閑若道神仙  
平地好便從南郭覓柴關

東坡墨竹

扁舟憶上浣花溪風雨橫江萬竹低石室歸來秋似水峨眉  
相對醉如泥春雷翻石蛟龍起夕照穿林鳥雀栖二老何年  
重會面爲揮濃墨寫淒涼

白雲間上人度夏

白雲長傍大湖飛忽向西江度釣磯彭澤小龍邀共飯潮陽

迂安憶留衣笻因春雨朝朝喫橘待秋霜顆顆肥我自本名  
無所住經函松下共柴扉

寄龍翔寺訢笑隱

贏得歸來休便休鶯花何處更追遊閒雲過雨依檐宿好雨  
添泉繞舍流世上文章將底用夢中塵業又何憂隨身宮殿  
香雲裏還見千峯百海秋

寄魯學士

往歲樓船過太湖珠簾翠幙護圖書泉南五馬傳燈後天上  
群龍進講餘滿座賓朋尊有酒盈罇抗稻食多魚趣裝未覺  
曹叅晚應有賢人載後車

答甘允從寄海東白紵

海國練衣雪色明寄將千里見高情著隨野鶴渾相稱行近  
沙鷗亦不驚江露滿船歌醉起爐烟撲袖憶詩成秋風遊子

偏愁予誰采芙蓉共晚晴

次韻董子羽見寄

家徒壁立相如宅森列雲山作畫屏前日遠煩天子使至今  
猶詫野夫亭有來妙句題章草政尔齋居讀道經積雪滿亭  
誰見問故人千里眼終青

昔年供奉慙清切簪筆春明近御屏一日携書歸菊徑幾回  
對雪坐茅亭女蘿薜荔如新葺華盖夫容麻舊白經言取憶先生  
天上去玉都應見草青青

次韻答聶空山

惠我名香海上來講惟還憶舊親陪微風高閣紆天步細雨  
深簾對露臺滿袖當時携馥郁孤村此日爨蒿萊高人雅意  
相期遠未覺匆匆白髮催

寄貞居張先生

司馬先生苦著書，夕餐金液日清虛。星辰欲動含精劍，雲霧長隨畢道車。重憶仙翁千仞表，爲脩真錄百篇餘。白頭供奉黃金盡，靈藥何因到隱居。

孫宰金碧山水

昔代香山避暑宮，中天積翠立夫容。雲生金水三春柳，露滴銀床五粒松。飛瀑橋長通窈窕，斷堤人倦立從容。舊時行處今堪盡，烟雨樓臺晚更濃。

甲戌四月十七日至臨川沖雲寺祝

聖壽齋罷爲賦此詩

郭西寺門雙石頭，水檻相對林塘幽。白花過雨落松暝，黃鳥隔溪鳴麥秋。衰朽虛無水官室，問淹遲實愛小山。留爲貪佛日同僧話，滿袖天香念舊游。

蜀人劉夢吉效楊補之撤蓬圖

鏡屏山下花如錦，却愛清江野水邊。放筆豈能無直幹，掀蓬方欲闢清妍。最怜半面歌歌扇，更笑輕身障舞筵。看上林千樹雪繁枝，何處獨始娟。

寄吳思可廉使

歲月將題傑閣成，寄來三筆荷高情。知公比任中丞重，念我文衡吏部名。王勃當年神所助，江淹老去夢還驚。尚懷曩日朱檐下，解寫農諺詠洽平。

寄南安燕信巨擘管

昔同禁苑又經筵，一別于今四五年。太守政成梅嶺北，老夫吟徹野雲邊。愁來每看新題字，夢裏猶懷舊管長。兩願欲仙身扶病骨，想能函致到臨川。

遊山遊山賦詩

仙遊亭子北門東，雲樹烟霞野徑通。秋淨華峰千仞表，未曉

仙縣百花中昔人黃鶴何年去九日清尊此意同醉持菊  
歸路晚莫令狂客惱衰翁

方壺作仙遊山圖

身在山中底用圖偶然點染出方壺數株古樹雲連屋一箇  
橫橋水滿湖門外從教車馬過鑄中不計船隻等閒真道  
華師者指與雲間一翠渠

會稽翼之

吳郡名書是唐流傳風致到錢郎開門三月  
千林枯葉霜天著舊題驚歲月僧將新句  
滴留又秋菊香蘭各自芳

次韻聶空山送杏

看徧生紅雨滿林筠籠遠致百九金盞  
微酸猶不禁洗我便應催泛蟻封囊何  
心先喜猶恐

成嘉樹花遶春壇巫鼓琴

和陳溪山春雪見貽

弥天春雪積塵空花信全為第幾風一色瓊林無別間九年  
金粟有餘豐愁吟野徑雲俱黑睡起東窓日已紅幸日與公  
同此樂莫辭微醉注黃中

予少年過劔門酒樓賦此題曰連十八書郡人疑  
其為呂洞賓詩此謾記于此

耳目聰明一丈夫飛行八極隘寰區  
春風槁朽蘇氣似酒酣雙國士情如花  
無消息只有中天月影孤

即事 四月十六日

卧病立園忽五年千官此口正朝天  
扶藜拜不前帶拭文犀看舊賜髮垂明  
鶴愧初筵

天光遠朝蓋靈芝五色鮮

日疾禍成一首

一任榴花五月開看如烟霧亦悠哉靜聽靈響亮中發坐受  
天香世外來樂府好邀張籍賦策書官共左右我大清絕點  
誰能畫一瞬青蓮月滿臺

木綿鶴袖小烏巾百事無聞自在身舊是玉皇香案吏今爲  
華蓋洞天賓看花謾笑如烟霧落筆那能泣鬼神聞有紫芝  
新可食園公有約願爲隣

和敬仲畫古木踈篁

不見丹丘四五年幽篁古木更蒼然兼葭霜露風連海翡翠  
蘭若月在川憶昔畫圖天上作每題詩句世間傳前村深雪  
誰高卧亦有晴虹貫夜船

畝吁江石門江秀才

石門山在吁江上聞似金山及落星浮石不隨春漲沒道林  
常見晚雲停鳥飛空界誰能賦龍負經函我所銘此地卜隣  
多逸興重來爲寫向幽亭

夢吳成季真人見訪夢中作

竹外旌旗駐馬鞍兒童驚喜識衣冠青山春日何須買高閣  
浮雲只共看野簌不堪供七筋新詩聊可助盤桓當年赤壁  
扁舟夢幾度人間玉宇寒

嘉平幾望陳谿山自山齋還邑月下獨步有賦

野迥霜明月轉高寒花踈影立亭臯池水下見蒼鱗鬣雲海  
東迴雪羽毛客去支深猶倚杖詩成春近更揮毫茅簷數尺  
當晴昊無限清歡一緼袍

莫愁寒日經簷短甕牖西南煖有餘頗有襟期俱老大略無  
塵滓涉清虛飢來進火烹仙木定起和丹較道書憑仗白雲

對谷口免教人跡近幽居

題馬竹所照磨捕魚圖

霜寒水淨已無魚漁者縱橫罔不踈  
羹食盡供晨市遠炊烟  
猶待晚歸餘已知漠漠漫浪裏  
豈盡洋洋鄭沼如萬里江湖  
春雨關海鷗不去小舟虛

李伯宗錄詩

老去逢春祇謾吟敢煩綵筆為追尋  
玉堂天上成塵夢茅舍  
山中稱野心萬里雲霄歸鳥盡孤村  
風雨落花深文章傳山  
知何用空使高情慨古今

壽陳溪山生日

風動蕭蕭白髮踈高齋長日共清虛  
輕雷過雨神功外瑞露  
垂雲壽瀝餘藜杖每期天外交松  
枋更試枕中書九秋華蓋  
通天極千載相隨兩鹿車

鶴

予家有薛少保鶴一軸先尚書自蜀携至此  
邑以為珍  
玩先參政晚歲失之不知何在當時極  
惋嘆今二十餘  
年集妻姪浚儀趙德莊從好事者重購  
得之欲集識其  
故而藏諸篋篋為賦此

吾家舊物薛公鶴老氣崢嶸壓九臯  
鐵石閣身脩足脰雪霜  
依骨淺翎毛通泉久失千年壁杜角  
空吟一世毫老去思鄉  
歸未得時時借看倚秋高

二月雪與陳齊賢

江南二月長聽雨誰見翩翩雪滿舟  
病眼直驚翻玉樹吟身  
渾欲覓貂裘衝寒載酒伶佳客把筆  
題詩想舊遊得意長安  
各騎馬山堂還憶醉翁不

明憲克莊以故舊託文公五世孫明仲  
遠徵鄙老退遺棄散

逸荷伯宗用昭止善浩淵子島至善及余表姪孫  
陳誼予兄子豐仲弟之婿賈應用昭之從子大年  
等十餘人寒冬連旬日夜錄之得五十卷亦已勞  
矣賦此爲謝

老去斯文付寂寥寒枝枯甲一遺蠅虛言有歎真何補好友  
相求不憚遙敗篋塵埃煩數子破葱燈火每連宵書成明日  
尋梅去共看春風轉斗杓

送朱明仲歸建安并簡貳憲幹克莊

道南遺緒實天存徑寸神膠萬里溥路遠祇憑霜履穩歲寒  
更覺緼袍溫山川文物今誰在師友淵源尚可論弱翰不堪  
酬使者遠來深愧若亭孫

送王公輔遠遊

君子之所居雖歲月易遠而餘風流韻不自知其及人

海內出珊瑚枝撐碧月孤鮫人拾翠羽泣露得明珠  
參差不可吹紉佩寄遠道遂令如石心歲晚永相好  
抱玉下天河繞叢秋露多天寒翠袖薄日莫欲如何  
翠袂倚岩堯來尋碧玉簫拂衣成歷劫遺迹映寒潮

題黃輿可所藏錢舜舉瓜圖

秋蔓有遺實不食庸何傷東陵爲圃地何曾憂雪霜





